

सानसेयारि "बड'सा" खौरांगलाइयाव
समाजयारि जिज्जो लोखा थाबाय रायथाय, अन्थाय,
सल', सल'बाथा आरु दावबायारि थाबनि, पार्क
बाइदिबि सायाव लिन्नाय लिन्बिदां दैथाय हर/
सानसेयारि "बड'सा" खौरांगलाइया खेबखानाबै
फोखावगोन।
बड'सायाव लिन्हरनायबि हुबा खालाम,
"बड'सा" खौरांगलाइया खेबखानाबै
फोखावगोन।
सानसेयारि बड'सा मावखुलि
माइवं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Thursday ★ 23 September, 2021 Kokrajhar, BTC, Assam ★ Vol.- 31, Issue No. 178 ★ R.N.I.Regd.No.40994/91, AssamGovt.Regd.No.IPRD.40/2006/13. ★ Rs.8/-

**खौरांगिरि
फाहामथाय अन्साय
बिथांखिनि सिडाव
सा 4 खौरांगिरिनो
सांखान्थियारि
अन्सुंथाय**

दिसपुर, 22 सेप्टेम्बर: फोरमायथि आरो सुबुं फोनांजाव बिथोनगिरि मावख'नि बान्जायनायाव खौरांगिरि फाहामथाय अन्साय बिथांखिनि सिडाव बे खेबाव सा 4 खौरांगिरिफोरनो गासै 1.5 लाख रांखांथियारि अन्सुंथाय गथायनाय जागोन। थानाय 10 सेप्टेम्बर अक्ट'खालि खुंफुंजानाय जथुमाव बे बिथांखिनि थाखाय आर'ज खालामनाय खौरांगिरिफोरनिस्रय सा 4 खौरांगिरिफोरनो जाबाय फारियै-आब्दुल हालिम, अमरज्योति (□ 5 बिलाइआव)

सा 58 सुरां सिखारिफोरा हाथियारजों लोगोसे गावखौ गथायदों

बि टि आरनि गाहाय प्रमद बर'आ दंफां दानफायनानै बन दानग्राफोरखौबो हाग्रा फोजोबसांनयाखौ बन्द' खालामनो खावलायदों

**बि टि आर खुंथाया नंखाइयै
गावथार जानाय नख'रनि
सोद्रोमानो थिसनलाइ गथायबाय**



कक्राझार, 22 सेप्टेम्बर: कक्राझारनि बड'फा नोगोरवा थानाय बिटिसि सेक्रेटारियेटनि मेल जथुमसालियाव हांखायनानै दिनें बावैसो सान सिगां कक्राझारनि उल्थापानियाव नंखायै पुलिसनि गुलिजों जिउ गोमानाय जोंसार मुसाहारि आरो जनक कुमार ब्रह्मनि नख'रनि सोद्रोमाफोरनो बिटिआर खुथायानि हाग्रा बिफानआव सांखिनि थिसनलाइखौ बि टि आरनि गाहाय प्रमद बर'आ गथायना होयो। बे थिसनलाइ रन्याय हाबाफारियाव बिटिआरनि मावफुं सोद्रोमा रन्जित बसुमतारिआबो दंमोन। मख'नाय (□ 5 बिलाइआव)

**तामुलपुरनि
कसुकाताआव
हाग्रानि मैदेरनि
उदखार**

तामुलपुर, 22 सेप्टेम्बर: भुतान हाजोनिस्रय बरनदि दैसाजों आदार नागिरनानै ओंखारबोनाय हाग्रानि मैदेरनि फालोआ थानाय मंगलबारखालि तामुलपुरनि सान्जा कसुकाता ओन्सोलनि आफाद फोथायव गोबां खहा खालामफैयो। हाग्रानि मैदेरनि फालोया मोनाबिलिनि 7 रिगासो समाव बरनदि दैसा सेराव थाखाय मडुफुल, माय आबाद, जिंखा-पटल, फान्थावनि अनगायैबो गय, थालिबि बिफां बायदि गोबां बिघा (□ 5 बिलाइआव)

**कक्राझाराव एबसुनि 2 घन्टा
खुद्रिखां दिन्थिफुंनाय हाबाफारि**

कक्राझार, 22 सेप्टेम्बर: थानाय शनिबाखालि कक्राझार जिल्लानि सिडाव थानाय सालगुरिनि जोंसार मुसाहारि आरो पर्वतझरनि जनक कुमार ब्रह्मखौ इउएलबिनि सोद्रोमा महैर दाय होनानै हाग्रायाव लांन एनकाउन्टर खालामहैनाय जाथायखौ लानानै दासान्दि दुलाराय बिटिआर नाइने गबुन गबुन बर' आफाद गौथुम आरो फरायसा आफादफोरा खुद्रिखांबाय थारों। दिनेंबो दुलाराय बर' फरायसा आफादनि बान्जायनायाव गबुन जायगाफोरजों लोगोसे



**बकाखातआव मोन 2479 गान्दानि
गंफोरखौ सावनाय जाबाय**

गान्दानि सुगं मैहरखौ थालांयै बन्द' खालामनायनि थाखाय गान्दानि गंआव
मुलियारि गुणनि गोरोन्थि सान्नायफोरखौ फोजोबसांनगोन : डू हिमन्त बिश्व शर्मा

दिसपुर, 22 सेप्टेम्बर: रइज्योनि गोम्गाथाव थसे गं गोनां गान्दाखौ सरैखाथिनि बिथिडाव आसाम सरकारनि मोनसे गोखोंथार थॉखि महैर आसामनि गिबि मन्थि डू हिमन्त बिश्व शर्मा आ दिनें बकाखातआव गान्दा गंनि सावनायनि मोनसे हाबाफारियाव बाहागो लादों आरो मोन 2479 गंफोरखौ सावनाय हाबाफारिखौ हाबाफारि बायदियै बेखेवना होयो। मख'नो गोनांदि, गान्दा (□ 5 बिलाइआव)



**मुसलपुराव
जात्रथाय जानानै
सासे थैदों, सानै
जोखोम**

मुसलपुर, 22 सेप्टेम्बर: बाक्सा जिल्ला मुसलपुरनि सिलपारायाव दिनें मोनसे लामानि जात्रथायाव सासे सुबुड थैदों, लोगोसेनो गबुन सानै सुबुंफोगो गोत्राबै जोखोम जायो। मिथिनो मोन्याय बायदियै दिनें मोनाबिलियाव महकुमानि सदर पुलिस थाना सिनि मुसलपुर-निकासि फोनांजाव लामानि सिलपारायाव गनें बाइकजों मोगा-मोगि जात्रथाय जायो। एएस-15 डि 9369 नम्बरनि (□ 5 बिलाइआव)

**काजलगाव आरो मुसलपुर आवबो नंखाय इनकाउन्टर
खालामनायनि हेंथायै एबसुआ सोमावसारदों**

नंखाय इनकाउन्टरनि सायाव गोजौ थाखोनि
नायबिजिराय नांगौनि दाबिजों गोसोखां बिलाइ गथायदों

काजलगाव, 22 सेप्टेम्बर: कक्राझार जिल्लानि उल्थापानि हाग्रा ओन्सोलाव थानाय 18 सेप्टेम्बरखालि सोरांसि बुल्लियाव पुलिसआ सानै बर' लाइमोनफोरखौ इनायै एनकाउन्टर खालामनानै गावथारनाय जाथायखौ लानानै दुलाराय बि टि आर नाइने दुहाव थासारिया सोमजिनानै दडा बे जाथायनि हेंथायै दिनें बि टि आरनि दाब दाब



जिल्लाफोरजों लोगोसे चिरां जिल्ला एबसुनि बान्जायनायाव चिरां जिल्लानि सदर

काजलगावआव मोनसे सोमावसारनाय हाबाफारि खुंन्याय (□ 5 बिलाइआव)

**मुलुग गान्दा सान: मानासआव उदाडै गांसो
जाबाय थानाय नुनो मोन्दों गान्दाफोरखौ**

सालबारि, 22 सेप्टेम्बर: दिनें मुलुग गान्दा सान। गान्दा सानावनो दिनें मिथिगायारि सोरजिथाय मुलुगदांखा मानास माहारियारि पार्क आव गान्दाफोरखौ उदाडै थानाय नुनो मोन्याय मिथिगायारि मोजां मोनग्रा राइजो-राजाफोरखौ गोसो मोजां मोनहोदों। मानासनि जर'खा ओन्सोलआव उदाडै गांसो



जाबाय थानायखौ नुनो मोन्दों मुलुगदांखा थसे गं गोनां

जाबाय थानाय नुथायखौबो नुनो मोनो। मख'नो गोनांदि, गान्दाफोरखौ सानफोमबो मानासयाव उदाडै थानायखौ नुनो मोनो। जायनि थाखाय दावबायारिफोरखौ बे गान्दाफोरखौ नायफैनाय थानाय नुनो मोनो। मख'नो गोनांदि, आर्थिखालाव मानासआव गासै मा 48 गान्दा दं होनानै मिथिनो मोन्याय जादों।□

**तामुलपुर मोब्लिब रानसारथाय खोन्दोनि
बिबानगिरि-मावफारियाफोरा सिखावै मोब्लिब
बाहायग्राफोरनि हेंथायै हाबाफारि लादों**

तामुलपुर, 22 सेप्टेम्बर: बाक्सा जिल्लानि तामुलपुर मोब्लिब रानसारथाय खोन्दोनि बिबानगिरि-मावफारियाफोरा आयेन बेरेखायै एबा सिखावै मोब्लिब बाहायग्राफोरनि हेंथायै गोखों हाबाफारि लादों। दिनें तामुलपुर महकुमानि माखासे गामिफोरजों लोगोसे निज डेफिलि ओन्सोलनि ओंखारि गामियाव आयेन बेरेखायै मोब्लिब बाहायग्राफोरनि हेंथायै बिफाननि बिबानगिरि-



मावफारियाफोरा हाबाफारि लादों। तामुलपुर मोब्लिब रानसारथाय खोन्दोनि इन्जिनियर सुर्य किरन गमैनि

दैदेन्यायव थानाय मोब्लिब बिफाननि बिबानगिरि-मावफारियाफोरनि मोनसे (□ 5 बिलाइआव)

**मानास
माहारियारि
पार्कआव गोखों
सोमावसारदों**

सालबारि, 22 सेप्टेम्बर: दं जिल्लानि थलपुर-सिपाझारआव रज्यो सरकार होखारसांनया हाबाफारि लानायखौ हेंथा होनानै दिनें मानास माहारियारि पार्कनि नैथि हाबग्रा लामायाव दुलाराय आसाम बाइय सुबुं सानखो फरायसा आफाद (आमसु)आ सोमावसारनाय हाबाफारि लायो। आमसुनि बाक्सा जिल्ला कमिटिनि बान्जायनायाव सुबुं जिन्जिरि (□ 5 बिलाइआव)

सुजुगिरिनि खोलोम

गोजोन थासारिखौ गोजोर लाखिनांगोन

गोजोन थासारि फैनो लानाय समनि गेजेरववो दासादि जॉनि हालामाव फिन गुबुले बार बारनायनि मोनसे थासारि फैनो लानाय गोजोन हास्थायसुला साफ्रोम सुबुफोरनि गेजेरव गोथौ दुखु मोननाय मोनसे नुथाय नुनो मोननाय जादौ। जायखि-जाया समाववो फेसे बाश्राखौ आवरायनाय खोनानो मोननाय जायो- ओन्सोलाव गोजोन थासारि फेयाब्ला जौगानाय सौफेया, फोथायलायनाय-अनलायनायनि दौलेया गोफोन जालाडो, गिनाय-मुगैलायनाया बांलाडोब्ला हिंसा-हिंसिया सागलोबनो गोलै जायो। गोजोन थासारिया फिन आरोबाव गोमालाडोब्ला करना भाइरासनि थाखाय बोसोरनै सम सोलौथायनि हाल-सालया जेरैबादियै उन फासे दावखलाय लादौमोन बेबादिनो थानानै थानायनि फिसा-फिसौ फालांगि खालामनाय, खामानि मावनायनि लामाया आरोबाव थाबथानानै दुखुनांथावनासिन जाफेनो हागौ। गुबुले थासारिया जाहाथे जॉनि ओन्सोलाव फैनो बेनि थाखाय खुंथायजौ लोगोसे समाजनि साफ्रोम सुबुफोरनावबो समानै नो बिबान दं होनानै सानानै लायोब्ला गुबुन गात्रि गोहोनफ्राय जानगाराव थानो हागोन।

बर'नि थामथि गोजोन गोरोबथानि उनाव ओन्सोलाव गोजोन थासारि फैनो जेरैबादियै थासारि सौफेदौमोन बे थासारिया सुबुफोरनि गेजेरव बाइदिसिना मिजिथि होफेदौमोन। नाथाय जाथावनाडै जाथाय सोमजिनायनि उननिफ्रायनो थासारिया गुबुन महर मोनफेदौ आधिखालनि समाव। इनाय हाबाखौ बयबो लबैया। इनाय हाबाया सौंखारिथाव 'मुगैथाव आरो समाजनि थाखाय खहा गोनां। बेखायनो दिने सानै बर' लाइमोनफोरखौ साजानि मुखव इनायै जिउ फोजोबनाय हाबाया बयखौबो दुखु मोनहोदौ आरो खुद्रिखाहोदौ। इनायनि बे दुखु मोनहोनाय आरो खुद्रिखानायायो दिने स्ना-स्ना नुजानानै लामायाव ओंखारबोनाय बे इनाय हाबानि बेरेखा खालामनानै जिउ गोमानानायफोरनि थार बिजिरनाय मोनो दाबिनानै सुबुफोर सोमावसारनो गोनां जादौ।

मिबथिनो मोननाय जादौ-जाथायनि सायाव नायबिजिनो सरकारआ गनायथि होबाय। बेजौ लोगोसे बिटिआर खुंथायाबो अब्धिथरयै जिउ खोमानानाय नख'पैनि सोद्रोमाफोरनो थानानै थानो हानाय बादियै हाफ्रा बिफानआव साखि होनो थांखि लाबाय। बेनिनो नख'रसेनो दिने साखिनि थिसनलाइ गथायनायबो जायो। आधिखालनि बे जाथायखौ लानानै बाइदिसिना बिजौफोरव सौंखारिनाय, खुद्रिनाय आरो दुखु मोननाय फोरमायनाय नुनो मोननाय जादौ। जाथायनि बागै बाइदिसिना बिजौफोरव फोसावनायनि मोन्थाय थायोब्लाबो सिमनानि गेजेरव थानानै खौरो फोसाववो हानायासो बिजौनि थार सिनायथिखौ होयो। □

दिनेनि फान्जामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ङ ङ) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेघ:** जेखि मावा रंखावरनि आय मोनो हागौ। फालांगिरिनि थाखाय गाहाम सान।
- वृष:** नख'राव दावराव-दावसि सोमजिखानो हागौ। जेखियायो जाया गोसोखौ धैज्य हमनांगोन।
- मिथुन:** बादायनायाव देरहासार जानो हागोन। जेरैबो मुं गोसार होनो हागोन। गाहाम सान।
- कर्कट:** मोजां रंग'थिनि थाखाय सन्मान मोनो हागोन। फाफ्रोमथिबो मोजां। गोसोखौ गोजोनाय मोनगोन।
- सिंह:** सानाय थांखिफोरखौ जाफुं होनो हानाय नड। गोजोनाय गैयेजौ समखौ बारहोनांगोन।
- कन्या:** देहायाव जालुनाया जोबसंनयाव नड। देहाआ खस्ट मोनो हागौ। गोसोखौ लोरबां दाखालाम।
- तुला:** दिने दिनाव हस्खाव हिन्जावबो मोनो हागौ। गोसोखौ गोजोन मोनगोन। मोजां सान।
- वृश्चिक:** सुथुर जालायनानै थानायफोर जोबसंगोन। गोजोनै थानो हागोन। मोजां दिन।
- धनु:** माबा मोनसे मुवा खहा जानो हागौ। गोसोआ सांथि गैये जागोन। साबधान जानाया मोजां।
- मकर:** मानिबा जारलायाव गोलैनो हागौ। गोजोनाय गैयेजौ समखौ हगारनांगोन। गोसोखौ हमथा।
- कुम्भ:** दिनेनि साना गोथार सान। मोजां खामानियाव आगान सुरनो हागोन।
- मीन:** मानिबा जाहोनाव दाहार खालामनांनो गोनां जागोन। सानै-हयै खामानिखौ मावनांगोन।


त्रिपुरानि टिएमसिया राजखान्थियारि हाबाफारिखौ दोन्थ 'बाय

आगरतला, 22 सेप्टेम्बर : त्रिपुरा हाइकर्टनि फासनिफ्राय रेलि खालामैनि बिथोनआव मुंसाय होनो नेवसिगारनायनि उनाव तृणमुल कं ग्रे सआ राइज्योआव गावनि गासिबो थि खालाम खानाय हाबाफारिफोरखो दोन्थ 'बाय। पार्टिया मंगलबारनि मोनायाव दुइतराव फोसावदौदि, बिप्लव देब सरकार फुर राइज्योआव आर्टिकल 144 आयेन सोलि होदौ जायनि गेजेरजौ सानैनि बांसिन सुबुफोर थुवर जानायखौ होबथानाय जादौ। टिएमसिया दुइतराव लिरदौदि, हाबाफारिनि

बादिब्ला, जौ त्रिपुरानि बिजेपि सरकारनियव जौनि गासिबो हाबाफारिफोरनि थाखाय गनायथि बिदौमोन, नाथाय बियो फारियै नेवसिगारबाय थादौ। बे खेबआव बिसोरो जौनि खालामनायनि फिनाय होयाखै आरो जौ हाइकर्टआव थानो गोनां जादौ, जाहाथे बेखौ मिबथिनो हायोदि राइज्योआव आर्टिकल 144 सोलिदौ ना सोलियाखै। टिएमसिया बुंबावोदि हाइकर्टनि बिथोन होनाय बादिब्ला, जौ त्रिपुरायाव जानो गोनां गासिबो हाबाफारिफोरखौ दोन्थ 'नो

नागिरबाय। जौ कर्टनिफ्राय बे के सआव आरोबाव रोखा बाश्राखौ मिथिनो नाजागोन। मख 'जाथावदि तृणमुलनि गाहाय नेहाथारि अभिषेक बेनाजौनि राजखान्थियारि हिंसा नि हेथाया सिगांआव 15 सेप्टेम्बरआव त्रिपुरायाव रेलि खालामनो गोनांमोन, नाथाय राइज्यो सरकार बेखौ गनायथि होयाखै, जायनि उनाव तृणमुल कंग्रेसआ कर्टआव थादौमोन। हाइकर्टया बे के सआव मुंसाय होनो नेवसिगारनानै टिएमसिनि आर'जलाइखौ नेवसिगारो। □

सिबिएसइआ फरायसाफोरनो आन्जाद आरो रेजिस्ट्रसेननि मासुलखौ रेहाय होगोन



गुवाहाटी, 22 सेप्टेम्बर: कभिड महामारिनि समाव जायफोर फरायसाफोरनि बिमा-

बिफा सानैबो रंसारि जादौमोन बिसेर फरायसाफोरनि 2021-22 बोसोरनि थाखाय आन्जादनि

मासुल आरो रेजिस्टार खालामनाय मासुलखौ रेहाय होनायनि थांखि लादौ

आफगानिस्तानआव तालिबाननि खुंथायजौ भारतआव अलखद, हेरइननि फालांगि खालामनाया बांसिदौ

गोदान दिल्ली, 22 सेप्टेम्बर: भारतआव 21 रोजा कौटिनि हेरइन मोननायनि उननिफ्राय रैखाथि आरो सिखाव खावनायखौ होबथाग।

मुवा-बेसादफोरखौ दिहुन्नो नाजानायव नांथाबनानै दड। बेनि जाहोनायो जाबाय भारतनि सिखव गोबां बिबानि हेरइननि सिखाव खालामनायखौ

बिसोरनि मुवा-बेसादफोरखौ हमनानै बेफोरखौ सिलिंखार खालामनो हागौ होनानै गिदौ। जायनि जाहोनाव भारतआव ड्रगस लाबोनाया बारयगासिनो दड। □



एजेन्सिफोर एलार्ट जायो। बिबानगिरिफोर बुंनाय बादिब्ला, इन्टरनेसेनेल ड्रगस माफियाआ भारतआव हेरइन फान्थो थाखाय नाजागासिनो दड आरो बेनि थाखाय सिखावे इराननि लैथोयारि लामाखौ बाहायनो हागौ। बिबानगिरिफोर फोरमायनाय बादिब्ला, हेरइननि फालांगिरिफोर गिनाय दडदि, तालिबानआ बिसोरनि हेरइननि स्क्खौ जड खालामनो हागौ। बेनिखायनो बिसोर थाबैनो बेखौ दिहुन्नायाव नांथाबदौ। बेयाव रांखान्थि खहा जानायनि अनगायैबो फेग्रा मुलिफोरनि कारखानाफोर तालिबानआ

बिबानगिरिफोर बुंनाय बादिब्ला, इन्टरनेसेनेल ड्रगस माफियाआ भारतआव हेरइन फान्थो थाखाय नाजागासिनो दड आरो बेनि थाखाय सिखावे इराननि लैथोयारि लामाखौ बाहायनो हागौ। बिबानगिरिफोर फोरमायनाय बादिब्ला, हेरइननि फालांगिरिफोर गिनाय दडदि, तालिबानआ बिसोरनि हेरइननि स्क्खौ जड खालामनो हागौ। बेनिखायनो बिसोर थाबैनो बेखौ दिहुन्नायाव नांथाबदौ। बेयाव रांखान्थि खहा जानायनि अनगायैबो फेग्रा मुलिफोरनि कारखानाफोर तालिबानआ

1 अक्टबरनिफ्राय जर'खा मेट्रिक आन्जाद, फरायसाफोरनि अन्जिमाखौ फोसावबाय

गुवाहाटी, 22 सेप्टेम्बर: कभिड थासारिनि थाखाय बे खेबआव 2021 माइथायनि मेट्रिक आरो हाइ माद्रासानि आन्जादआ खुंफुं जायाखै। बेनि सोलायै उफ्रा राहानि आयदाजौ फरायसाफोरनो इभालुएसन होनाय जादौमोन। नाथाय जायफोर बे इभालुएसनखौ लानानै गोजोन मोनाखेमोन बिसेरनि थाखाय जर'खा आन्जाद खुंफुंनयनि थाखाय थांखि लादौमोन राइज्यो सरकारनि सोलौथाय मन्थि रनुज पेगुआ। बे आयदायाववो थासारिआ गाहाम जानायाव फेगौ 1 अक्टबरनिफ्राय खुंफुंजानो गोनां जर'खा मेट्रिक आन्जादआ फेगौ 11 अक्टबरसिम खुंफुंजानो। आगुनि बादि 3 घन्टा जानाय नड, 2 घन्टानाडैसो खुंफुंजानो आन्जादआ। बे आन्जादआ राइज्योआव गासै



मोन 302 मिरुआव खुंफुंजागोन, जेराव सा 22,810 फरायसाफोर आन्जाद लिरगोन। बेराफासँ माद्रासा आन्जादआव सा 43 फरायसाफोर लिरगोन। जायनि आन्जाद मिरुआ मोन 23। आधिखालाव आन्जादखौ मोजाडै खुंफुंनयनि थाखाय गासैबो राहाखौ लादौ सेबाया। जायफोर बे जर'खा

आन्जादखौ लिरगोन बिसोरनि बिथिडव गोनांथि जागोन आन्जादनि मार्कशिड, इभालुएसन राहानि मार्कशिडखौ गोनांथि जागोन। नाथाय बे आन्जादआव रेंक एबा जायगा थानाय थायैखौ आधिखालावबो रोखा खालामाखै सेबाया। आगुआव खुंफुंजानाय बादिनो गासैबो मिरुआव

सिसिटिभिनि राहाजौ लोगोसे फ्लाई स्क्वाड थागोन। मख 'नो गोनांदि, फोसावनाय होनाय मेट्रिक आन्जादनि फिथाइयाव बे खेवआव सेवानि रेंक-ड अन्जिमा बादियै 4 लाखनिबो बांसिन आन्जाद होग्राफोर उथिसारदौ। गोदानै जर'खा आन्जादनि फिथाइखौ जोबोद थाबैनो फोसावनाय होगोन सेबाया। □



बकाखाट, 22 सेप्टेम्बर: फेगौ 1 अक्टबरनिफ्राय काजिरड माहारियारि पार्कआव गासैबो बिथिड सरासन्सा जासिगोन। बेयाव कभिडनि जायखि-जाया रोखोमनि प्रटकल थानाय नड। हटेल, लज खुलिनो हागोन आरो दावबायारिफोरबो फेनो हागोन। गासैबो खुला थागोन, नाथाय भेक्सिन थुजानांगोन। बेबादि बिबुंथिखौ आसामनि गिबि मन्थिआ बुंदौ। मख 'नो गोनांदि, बकाखाटआव दिने गान्दानि गं सावनाय हाबाफारिआव नुजाथिफेनानै

गिबि मन्थि ऊ हिमन्त बिश्व शर्माया बुंदौदि, काजिरडआव मोनसेल 'प्रटकल थागोन, बेयो जाबाय भेक्सिन लानांगोन। काजिरडनि हटेलआव सोरबा दावबायारि थाफेयोब्ला बिखौ भेक्सिन लादौ ना लायाखै बेखौ सोनांगोन। भेक्सिन लायाखै ब्ला साखाथिनि फाहामसालिसिम लाना थानानै भेक्सिन थुनायनि राहा खालामनानै होनांगोन। गिबि

मन्थिआ बुंथिबावदौदि, राइज्योआव सरासन्सा जिउ खानाया फैनो बेनि थाखाय जौ खामानि मावनांगोन। लोगोसे बेनि थाखाय जौनि वयनिखुइबो देरसिन हाथियारआ जाबाय भेक्सिनेसन। लोगोसेनो गिबि मन्थिआ साफ्रोमबो सुबुफोरखौ कभिडनि सैथि आरो नैथि खेबनि कभिड भेक्सिनखौ थुजानो थाखायबो खावलायो। □

एनडिएनि एन्ट्रेन्स आन्जादआव आइजो-फोरखौ बाहागो लानो



गोदान दिल्ली, 22 सेप्टेम्बर: सुप्रिम कर्टआ मिरु सरकारनो बिथोन होदौदि, आइजोफोरखौ बे बोसोरनिफ्राय एनडिएनि एन्ट्रेन्स आन्जादआव बाहागो लानो होनांगौ। अदेबानि मिरुआ सुप्रिम कर्टआव बुंदौमोनदि, एनडिए सोलौसालिनि एन्ट्रेन्स आन्जादआव 2022 नि मे दानआव आइजोफोरखौबो बाहागो लानो गनायथि होनाय जागोन। सुप्रिम कर्टआ मिरुनि बे दाबि दैखानायखौ नेवसिगारनानै बुडोदि, सोलिफु बोसोरनि 14 नभेम्बरआव जानो गोनां एनडिए एन्ट्रेन्सआव आइजोफोरखौबो बाहागो लाहोनांगौ। कर्टनि बादिब्ला, एन्ट्रेन्सआव जुदि माबाफोर जेना जायोब्ला सरकारआ कर्टनो खौरो होनो हागोन। आइजोफोरखौ बिसोरनि मोन्थायनिफ्राय जानगाराव दोनयाखौ जौ हास्थया। □

ड॰ हिमन्त बिश्व शर्माया केबिनेट जथुम्माखौ साननैनाडै फावसयबाय

गुवाहाटी, 22 सेप्टेम्बर: आसामनि गिबि मन्त्रि ड॰ हिमन्त बिश्व शर्मानि सप्ताहयारि केबिनेट जथुमआ साननैनाडै दोन्थ 'नाय जाबाय। दिनै बुधवारखालि खुंफुंजानो गोनां केबिनेट जथुमआ गिबि मन्त्रिआ गुवाहाटीनि बाइजोआव थानायनि थाखाय दोन्थ 'नाय जादों। बे आयदायाव फेगौ शुक्रवारखालि बेलासिन 4.00 रिगायाव खुंफुंजागोन केबिनेट



जथुमआ। फेगौ शुक्रवारखालि जथुमआ कइनाधराआव खुंफुंजानो गोनां केबिनेट खुंफुंजागोन।

करना इन्फेक्सना भरतयाव थामथि दोहौ फैनाय नडा



गोदान दिल्ली, 22 सेप्टेम्बर: हादरआव करना भाइरासनि के सफोरआ लान्थ्रियै दावखलायदों आरो मंगलबारखालि इन्फेक्सननि गासै 26 रोजा केसआ सोराडव फेदों। लोगोसेनो गासै 252 बेरामिफोरा थैनायखौ थिसन्याय जादों। एम्स बिथोनगिरि डाक्टर रणदीप गुलेरियानि बादिब्ला, करना भाइरासआ आधिखालाव गैला। बियो सांग्राथि होदोंदि, जेब्लासिम भारतआव साफ्रोमबो सुबुंफोरा भेक्सिन थुनाया अब्लासिम सांग्रां जानाथै थानाया गोनां थार। जर 'खा महरै

नूनाय नडा। करना भाइरासआ थाबेनो सरसन्सा फ्लु एवा सरसन्सा गुजुनाय-गामोन्नाय बायदि जागोन, मानोना सुबुंफोरनि गेजेरव आधिखालाव बे भाइरासनि हेँ थायै इमिउनिटिआ थियारि जाबाय। नाथाय बेरामि आरो लोखों इमिउनिटिनि सुबुंफोरनि थाखाय बे बेरामआ गिखंथाव जानाथै थाबाय थगोन। भेक्सिन थुजाग्रा सुबुंफोरनि गोसोआव बे सों थियाबो सिखांदोंदि, भेक्सिनआ जिउ थाजासिम रेखाथि होगोन ना आरोबाव माखासे सर्मानि उनाव बुस्टर ड्रपनि गोनांथि जागोन। बे सोंथिनि फिन्नायाव डाक्टर गुलेरियाआ बुंदोंदि, भारतआव गुदि बिथया बेबादि साफ्रोमबो सुबुंफोरनो भेक्सिननि मोननैबो ड्रपखौ होगोनांथि। गथ 'फोरनोबो भेक्सिन थुनायखौ नोजोर होयोब्ला आधिखालाव बेनि गोनां बिबाडव गोसारनायखौ

आसामआव गं 20 गोदान जाहाज लाबोनाय जागोन: चन्द्र महन पाटवारि

गुवाहाटी, 22 सेप्टेम्बर: आसामयारिफोरनि थाखाय मोनसे गाहाम खौरां। बे आयदायाव आसामाव गं 20 गोदान मुगानि जाहाजफोरा फेसिमोन। जायखौ आसामनि हान्था-मेला मन्त्रि चन्द्रमहन पाटवारिआ मिथिहोदों। पाटवारिआ मंगलबारखालि गुवाहाटीआव थानाय कलाक्षेत्रआव खुंफुंजानाय फालांगि मेलायाव राइजो-राजाफोरखौ थांखिनानै बे बाश्राखौ फोसावनानै होदों। मन्त्रि पाटवारिआ



फोरमायथिदोंदि, आधिखालाव लोगोसे गुबुन मोनसे गेदेर आयदानि सायाव फोसावनानै बुंथिबावदोंदि, आसामआव दै

सान्थि फोरोंथाय मिरु गायसन्नाय जागोन। रोंगथि गोनां नाबिकफोरखौ आसामआव लाबोनाय जागोन आरो बिसोरो आसामनि नाबिकफोरखौ फोरोंथाय होगोन होन्नानै बुजे। भारतआ उदांसि मोन्नानि 75 बोसोर आबुं जानायखौ लोब्बा लानानै मंगलबारखालि गुवाहाटीनि कलाक्षेत्रआव फालांगियारि हाथाइ मुनि मोनसे हाबाफारि खुंफुंजाय जादोंमोन। बे फालांगि मेलायाव सा-सान्जानि गुबुन उद्यगयारिफोरा बाहागो लादों। जाग्रा आदारल' आरो आसामनि मुंदांखा दैन बिथिफोरखौ सिमना गोनां लायालासेनो बे फालांगियारि मेलानि थांखिआ जायगानि गानग्रा-जोमग्रोफोरखौ मुलुग हाथाइसिम लाबोनाय। बे हाबाफारिआव नुजाथिफेदोंमोन लक सभानि एमपि कुइन अझा आरो राइज्यो सभानि एमपि कामाखा प्रसाद तासामोनहाबो। मख 'नो गोनांदि, बावैसो सान सिगां निमातिघाटआव फेरि जाइ थायनि उनाव जर 'खा थांखि आजावनानै लादों राइज्यो सरकारआ। फार्सेंथि' जाहाजफोरखौ सालायनायनि थाखाय रोंगथि गोनां सुबुंफोरखौ थिसनगोन राइज्यो सरकारआ।

करना भेक्सिन दिहुन्नायाव भारतआ गिबि सारियाव



गोदान दिल्ली, 22 सेप्टेम्बर : माखासे दान सिगांआव भारतआ करना भेक्सिननि आंखालजों भुगिनांदोंमोन। नाथाय आधिखालाव हादतआ सानफ्रोमबो 80-90 लाख भेक्सिननि ड्रप थुगासिनो। बिबानगिरिफोरनि बायदिब्ला, डिसेम्बर दानसिमाव गासैबो बैसो गोर सुबुंफोरखौ करना भेक्सिन थुनायनि थांखि

हानायाव सीरम इन्स्टिटुटआ मोनसे गिदिर बिहोमा होदों। बे सरकार आसा खालामनायनिखुइ बांसिन गोखेसिनै भेक्सिनखौ दिहुन्दों। बे कम्पनीया गुबुन भेक्सिन दिहुनग्रा मिरुफोरखौबो क'भिशीलड भेक्सिन दिहुनथायनि थाखाय बाहायदों। एप्रिल दानाव हादतयाव गंनैल' क'भिशीलड भेक्सिन दिहुन्नाय मिरु दडमोन, जाय आधिखालाव गं 5 जाबाय। आधिखालाव करना भेक्सिन दिहुन्नायनि बिथिंआव भारतआ मुलुगनि नाम्बार 1 हादत जानो हाबाय। सीरम इन्स्टिटुटआव क'भिशीलड आरो भारत बायटेकआव क'भेक्सिनखौ बानायगासिनो। थानाय एप्रिल दानाव नैथि दोहौनि समाव सरकार करना भेक्सिनखौ गुबुन हादतआव दैथायहरनायखौ दोन्थ 'दोंमोन, जायखौ आधिखालाव जागायफिन्नो थांखि लानानै थियारि खालामदों। फेगौ दान अक्टबरनिफ्राय खोलोब बादियै गुबुन हादतआव करना भेक्सिन दैथायहरनायखौ जागायफिन्नो थांखि लादों।

करनानि सन्देरनाया जोबाखै, हादतआव सा 26,964 सुबुंफोरा सन्देर जादों



गुवाहाटी, 22 सेप्टेम्बर: हादरआव करना भाइरास सन्देरनाया गोबां जानाय आरो बाइइ जानाय थासारिआ सोलिगासिनो दड। मिरु देहा आरो नख 'र अन्साइ बिफाननि फोरमान बादियै थानाय 24 घन्त्याव हादरआव सा 26,964 सुबुंफोरा करनाजों सन्देरजादों। बे समाव सा 383 सुबुंफोरा जिउ गोमादों। बेरफासै सा 34,167 सुबुंफोरा मोजां जादों। बिफाननि बादिब्ला, हादरआव आधिखालाव सा 3,01,989 एक्टिभ केस दड। आधिखालसिमआव हादरआव सा 3,27,83,741 सुबुंफोरा मोजां जाबाय आरो थैनायनि अन्जिमाया सा 4,45,768। आधिखालसिमाव हादरआव गासै सा 3,30,85,730 सुबुंफोरा सन्देरजाखांबाय। बेरफासै आइसिएमआरनि फोरमान बादियै मंगलबारखालि हादरआव सा 15,92,395 सुबुंफोरखौ टेस्ट खालामनाय जादों। मख 'नो गोनांदि, हादरआव आधिखालसिमाव गासै सा 55,67,54,282 आन्जाद नायखांबाय।

करना भाइरासनिफ्राय रैखा मोन्नाया बांदों, आधिखालाव गासै 3 लाख एक्टिभ केस दड

गोदान दिल्ली, 22 सेप्टेम्बर : भारतआव करनानि गोखेथिया आधिखालाव लान्थ्रियै सामलाय जादों। थानाय सानआव करनानि गासै 36 रोजा 964 केसखौ थिसन्याय जादों। बेयो लान्थ्रियै नैथि सान जादों जेब्ला करनानि केसआ गासै 30 रोजानिफ्राय गाहायाव दावखलायदों। बेवहाय बयनिखुइबो देरसिन रेहाय मोन्नायनि बाश्राया बेनि एक्टिभ बे रामिफोरा गोखेथि यो दावखलायदों। आधिखालाव हादतआव क'भिड-19 नि एक्टिभ बेरामिफोरनि अन्जिमाया गासै 3 लाख 1 रोजा 989 दड जाय 6 दाननिफ्रायबो बांसिन समनि उनाव बयनिखुइबो खम जादों। गोदान अन्जिमायानि



बायदिब्ला हादतआव आधिखालाव एक्टिभ बेरामिफोरनि गासै केसआ 0.90 जौखोन्दो एबा 1 जौखोन्दोनिफ्रायबो खम जादों। फार्सेंथि करनानिफ्राय मोजां जानायफोरनि बिबाड गासै

2020 एबा थानाय बोसोरनि उननिफ्राय दासिमनि गोजौ थाखोआव दड। आधिखालाव बे अन्जिमाया 97.77 जौखोन्दो जादों। थानाय सानआव करनानि गासै 34 रोजा 167 बेरामिफोरा मोजां जादों बेनि उनाव दासिमाव हादतआव करनानिफ्राय मोजां जानायफोरनि अन्जिमाया गासै 3 कौटि 27 लाख 83 रोजा 741 सिमाव सोहेदों। फारसेंथि सप्ताहयारि पजिटिभिटि रेटआ 89 साननिफ्राय 3 जौखोन्दोनि गाहायाव थादों। भेक्सिन थुनायावबो भारतआ गोदान गोदान रेकर्डखौ बानायदों। दासिमआव हादतआव करनानि गासै 82.65 कौटि ड्रपखौ थुनाय जाखांबाय।

मन्दिरआव 2 बोसोरनि उन्दै गथ' हाबनायनि दयाव सा 5 हम्मजाबाय

गोदान दिल्ली, 22 सेप्टेम्बर: कर्नाटकनि कपल जिल्लानि मियापुर गामियाव हरि-बोरोन बासिलायनाय जाथाया सोराडव फेदों। बे केसआव पुलिसआ सा 5 सुबुंफोरखौ खाबाय। मियापुर गामियाव 2 बोसोरनि उन्दै गथ'आ मन्दिरआव हाबनायखौ लानानै फुजारिजों लोगोसे माखासे गोजौ थाखोनि हरिनि सुबुंफोय दलित हरिनि गथ 'नि नख 'रनियाव 25 रोजा रां जुरिमाना लादोंमोन। बे जाथाया 4 सेप्टेम्बरआव जादोंमोन। बै सानाव चन्द्रशेकरनि नख 'रआ फिसाज्जानि जोनोम साननि



थाखाय मन्दिरनि बाइजोआव थानानै इसोरनि आसिबाद लानो थादोंमोन। बेयावनो बेबादि जाथाया जादों। दलित नख 'रआ पुलिसनियाव केस थिसनो गिखांदोंमोन, नाथाय

आयदाखौ गिदिर खालामदों, लोगोसे गोजौ थाखोनि माखासे सुबुंफोराबो बिखौ हेफाजाव होयो। उनाव 11 सेप्टेम्बरखालि मोनसे जथुम खुडो जेराव मन्दिरखौ फोथारनायनि खरसा खालामनो 25,000 रां दाबि खालामो। बेरफासै गोजौ थाखोनिनो माखासे गामियारिफोरा बेखौ इनय-अनागार एबा गोबांदाय रांखांन्थि होन्ना अजद होदोंमोन। बे बाश्राखौ लानानै गामियाव गावजों गाव दावराव-दावसि जायो, जायनि उनाव पुलिसआ नुजाथिहैयो आरो केस थिसनो।

मडार्न आरो फाइजर करना भेक्सिन दैथायहरनायनि रदायखौ भारतआ गनायाखै

गोदान दिल्ली, 22 सेप्टेम्बर: भारतआ आमेरिकानि गंनै भेक्सिन दिहुनग्रा कम्पनी फाइजर आरो मडार्ननि भेक्सिन साफ्लाइ हरनायखौ लानानै होनाय रदायखौ गनायना लानो रजि जायाखै। रिपर्टनि बायदिब्ला गंनैबो आमेरिकानि कम्पनीफोर सम्पत्तिखौ बाहायनो थाखाय जाय लाखिनाय शर्थफोरखौ लाखिदोंमोन बेखौ सरकार गनायनो रजि जायाखै। रिपर्टआव फोरमायनाय बायदिब्ला बेबायदि फाइजरआ बेबायदि राहाजों मुलुगआव गावनि करना भेक्सिनखौ दैथायहरो। नाथाय



भारतआ बे शर्थखौ गनायनो रजि जायाखै। रिपर्टआव फोरमायदोंदि, मिरु सरकार भेक्सिनखौ बाहायनाय समाव जेखिजाया साइडइफेक्ट जानायाव आयेनारि रैखाथिनि थाखाय फाइजर आरो मडार्ननि होनाय रदायखौ गनायना लानायनिफ्राय नेवसिगारबाय। मख 'नो गोनांदि, बेसोर मोन्ने कम्पनीनि भेक्सिनखौ आधिखालाव इउएस आरो इउरफआव बानायनाय जागासिनो दं। भारतआव मोनबो कम्पनीया बेफोर बायदि आयेनारि रैखाथि होनाय मोनाखै। बेनि गेजेराव स्वदेसि भारत बायटेकनि कबेक्सिन आरो एसाइआइनि कबिशीलड आबो बाहागोयाव दं।

GOVERNMENT OF ASSAM
POLITICAL (A) DEPARTMENT:: DISPUR
ORDER BY THE GOVERNOR
NOTIFICATION

Dated Dispur, the 21 September, 2021

No. HMA-19011/100/2021-Political(A)/4/ECF-176230: Shri Jayant Narlikar, IAS, Commissioner, Lower Assam Division is directed to enquire into the circumstances leading to the death of 02(two) suspected ULB militants in an encounter with the Police Force that took place at Utlapani area under Kokrajhar PS on 18th September, 2021.

He will ascertain the facts and circumstances leading to the death of 02(two) suspected ULB militants in the encounter with the Police Force and submit enquiry report within fifteen days.

Sd/(Debaprasad Misra)
Secretary to the Govt. of Assam
Home & Political Departments, Dispur
Janasanyog ID/6295/21

एसिखौ मानो वालनि गोजौ बाहागोआव लगायनाय जायो!

गोदान दिल्ली, 22 सेप्टेम्बर : गार्सैबो जायगाफोराव जौ एसिखौ अवालनि गोजौ बाहागोआव ल'गयनाय नुनो मोनो। नाथाय माब्लाबा सानफेरदों ना बेबायदि खालामनायनि आन्दोयाव मा जाहोन थानो हागौ? गरमनि जेना जानायाव एयारकन्टिसन लगायो। जेब्ला गलानिफ्राय एसि बायनानै लाबोयो आरो इन्जिनियर लानानै न'याव फिटि खालामनाय समाव खथायाव मोजाडे गुसु जादोंना जायाखे बेखौ नोजोर लाखिनांगोन। अदेबानि एसिखौ अवालनि गोजौ बाहागोआव इस्टल खालामनायनि आन्दोयाव साइन्टिफिक जाहोन थायो। एसिनि बारा जेब्ला गोजौ बाहागोफोराव थाडे अब्ला बेजों



गार्सै खथानि खना-खनलासिम गुसुया सौहैजोबो। लोगोसे गरम बारखौ थाबैनो खारहोनानै खथाखौ गुसु खालामो। अवालनि गोजौ बाहागोआव एसि लगायनायजों हायावबो बार ट्रेभेल खालामो। बेरफार्से बेनि उल्थायै रूम हियारखौ जों

हानि गाहायाव लाखियो, जाहाथे ख'थाया गाहायनिफ्राय गरम जानानै गोजौसिम सोहैयो। कन्भेक्सननि बे प्रसेसजों ख'थाया गुसु जायो आरो गोबाव समसिम गुसुयै थाबाय थायो। बेनि जाहोनाव जेब्ला एसि सालायो। अब्ला खिरखि,

दरजाफोरखौ बन्द खालामना दोन्नांगौ जायो। बेबायदियाव जुदि एसिखौ गाहायाव लागायोब्ला गोजौ बाहागोआव गरमा थाबाय थायो। बेनिखायनो एसिखौ गोजौसिम बाहागोफोराव लागायनाय जायो।

गारि-ट्रेन, मेट्र ट्रेन बायदि उरां जाहाजआवबो हर्न थायो, नाथाय बेखौ आलादा रोखोमै बाहायो



गोदान दिल्ली, 22 सेप्टेम्बर : लामाफोराव मटर गारिफोरनि हर्न गाबनाय सोदोबखौथ' बयबो सानफोमबो खोनायो। नाथाय बेबायदि हर्ननि सोदोबा

अख्राडावबो गाबो, जेराव सानफोमबो गोबां उरां जाहाजफोर उरायो। प्लेनआव दावबायग्रा बांसिन सुबुंफोरावो उरां जाहाजआवबो हर्न थानाय

बाश्राखौ मिथिगौ जानांगौ। बेखौ बबेबा गुबुन उरां जाहाजफोरखौ लामानिफ्राय एरायहोनो आरो दावफोरखौ खारहोनो थाखाय बाहायनाय जाया। अदेबानि बे हर्नखौ आलादा खामानिफोरनि थाखाय बाहायनाय जायो। प्लेननि हर्नखौ बेनि फांखा एबा गांफोरनि खाथियाव लागायनाय

जायो आरो बेयो सरसन्ना हर्न बायदिनो जायो। बे हर्ननि सोदोबखौ प्लेन बानायग्रा कम्पानीआ थि खालामो। अदेबानि बे हर्नखौ सुबुंफोर आरो स्टाफखौ एलार्ट (सांग्रां) खालामनो थाखाय बाहायनाय जायो। प्लेननि गिदिर मटरनि हर्नखौ मोनै खामानिफोरनि थाखाय बाहायनाय जायो। मोनसेया बेनि गेजेरजों केबिनयाव जिरायनाय पाइलट स्टाफनि आद्रा सोद्रोमाफोरजों सोमोन्दो लाखियो। प्लेनआ जेना जायोब्ला बे हर्ननि गेजेरजोंनो स्टाफखौ एलार्ट खालामो। बे हर्नखौ दामनानै ग्राउन्ड स्टाफनो प्लेन उरायनायनि खौरं होनाय जायो। बेखौ एलार्म गैया जासे बटननि गेजेरजों बांसिनै बाहायनाय जायो।

सिमांनि हायनारि

अ सिमांनि अनजालि सैनाय गोमोर लाडे नों सिमांनि हायनारि। थाडे फैयो मानो नों हायनारि सिमांनिल' सैनाय। सोरबा जोहोलावजो जाबाय नामा नों जुलि.....? अ सिमांनि अनजालि सैनाय दिनेसो बिबार बायदि बारहानाय, गाबोननो मोजां मोनजानाय नौनि महरानो थाइगिर बिबार बायदि गुफुर। सानाखैमोन आं बिदि नौनि महरखौ सानदोंमोन आं नोंखौ सिमांनि हायनारि। मोगथांआव मोनोब्ला आंसो जुलि। मोनाब्ला जागोन आं हांमागिरि नुजा फैफिनदो दिनेनि हराव नडब्ला सानगोन आं सिमांनौ थगायसुला। नों मोगथांआव नुजा फैयोब्ला जौनि लांगोनानि सेराव, नाथाय बिबार बायदि आंनि सेराव थाबाय थाहोगौमोन आं। नाथाय सिमांआ थगायसुला मार, सिमांनि हायनारि नुनानै दिनेनि हराव जाबाय आं दानसेनि थाखाय हांमागिरि।

मुस्त्रि गोमसार बसुमतारि
गामि- सोनाब बिसमुरि सैद'
ला:सो:- बिसमुरि

सिमां

मैयानि हराव आंदि मा सिमां नुदोंमोन, मैया मैया बुंसनोनो हाया। सानजा फैसालियाव आंखारबोनाय फुंबिलिनि गोरलै जारौ सानखौ नुनानै आंनि गोरबो बिखायादि मानो एसेबां मुहिहाबदों आं मानोबा एसेबो हमदां हायाखैमोन। आं सानदोंमोन बिनो आंनि जीड गंसे जायराब देरायाव बिजोंनो आलो गोजोन संसारा जाफुंसारगोन। नाथाय जेब्ला सानजौ फुनि दुंसारनायाव मोदोमफुबाय बुहुमाव फोथायथि गैयै बिसआ हाग्रानि जुनारफ्रा थाखुमाबाय दंफां बिलाइयाव जरासे फारौआ गाब्याय लैथो बिखायाव, मुश्री गैयै आयनि मिनिस्तुनायावो लांसुनिथाफोरनि फानदायनायाव जानांबाय दिने जिनाहारि! हतसुरिया बिमानि अगियायन फिसा नों बुंलांबाय आंखौ बेलासि बुब्लिया अब्ला? थै गैयै देहाखौ लानानै नाजादोंमोन आं लोगो हमथारगोन जोबथा फैसालियाव। नाथाइ, गुस्थियाव जारौ मिनिनायजों खोमसि गोसोयै बुंलांबायल' बियो, अनजालु नौनि सिमाड, सिमांआवनो थाथोदे गुबुननो दाफोरमाय

जालाउ बसुमतारि
गामि- रनछाइथाम
जिला- चिरां, बि टि आर

रंजालि गथ' फोरनि सौरा

दिखारनि हांमा

फैमाल थांबाय

आंनि जीउनि सिमांनि मोदाय बिखायाव थानानै नों दुखु दाहा होयो मानो, हायनारी? आखाय फोलाव फोलाव लिंहरो नों अनसुला खालामो। जीउ आरो सिमांनि आबिर सारफावनो फैलाव बाला बारीनि बारा बारफिननो नौनि बिखायाव जेब्लाबो उनफलेनो हाया,। सहायनो हायै बारनि जेथोआव, गोदान जीउनि गोहो होफिननो नौनि गोसोनि साननायखौ जाफुं होनो हालिया जादों नोंहा दुखु मानि दिखाराव हांमा। जादों नोंहा दाहा मानि हांमायाव गोदोनि बाश्रा जवान बान्था नाथाय नों। सानै नों बाश्रा राइज्तायनायनि, सिमांनि मोनसे देरा लुनायनि देंखो बोनायनि सावगारीयाव मिजिं गैयै लामा दबथायाव।, सानदों दासो हारसिडे हायनारीया सिरि सिरि इयुन मिजिक गोगोमै गान्थि खानो।

फैमाल थांबाय आं आरो नौनि मोजां मोननाया। जाथाय गावखौनो गाव आं जेबो बुजिनो हायाखिसै, नाथाय नौदि आंखौ जोबोर मोजां मोनदोंमोन। नाथाय आं नौनो अन्नाय आरो मोजां मोननायखौ नौनोनो होजोबबायमोन। नाथाय नों आंखौ नागारनायाव आं जोबोर दुखुबो जादों। नाथाय आंखौ दा नों हास्थायब्लाबो मोननाय नंला नाथाय दा आंनो रावखौबो नंला नोंजों गारजानायनि जुनै सना। नाथाय नों आंखौ गारनायाव पाप नांबाय। आरो नों आंनि लाइजामाव इन फजिबोल लिरनायाव आं गाबनो आंखारदों।

मुस्त्रि दैदेन ब्रह्म
फरायसालि- भावरागुरि
गामि- कफरागाव
ला:सो:- कमलसिं

आफा प्रभु

उजि फैबाय आं माया पुरीआव, न'वा आंनि सैथो पुरीआव। मुछ आंनि मिथ्या जातिया आंनि अदैथ्य॥ आफा! आं माखौ सोलोगोन, आं माखौ फोरोंगोन। आं मोनथिगोन। आंमा माखौ बुंगोन॥ आफा! नौनो यन्त्री आं यन्त्र! आं र'थ, नों र'थी॥ जायखौ नों मावहोयो, आं बेखौनो मावयो। नों जायखौ बुंहोयो; आं बेखौनो बुंयो। आं जेबो नड आफा; गार्सैबो नौनो "आफा पुभु"॥ **बुध्ददेब नाजारी**
गामि-स'नापुर (एलेमारी)
ला:सो:- दुमब्रि गुरी (दतमा)
पिन- 783327
जिला-कक्राझार, बि.टि.आर

मेगननि हायना नोजोरखौ। समनि फाखनाव गिदिफानाय, दैनि गुथालाव बुसोम जानाय लाइमोन समनि गोसोनि लुबैनाय खालि नांगौ नौनि अननाय, दिने नाजावदो नों लाइजामखौ होदो आंनो अननायखौ आंनि जिउनि थाखाय नों अराय आंनि मोदाय बे जोनोमाव लिरबाय आं नौनो सेथि खलबनि मोजां मोननायनि लाइजाम।

मिच इन्दु बसुमतारि
तितागुरि गोजौ फरायसालि
थाखो- गु (9)
जिला- कक्राझार, बि टि आर

बुंनंगौ नौनिसिम

अब्ला नों बुंनंगौखौ नों आसुं आबुडे आंबो आंनि बुंनंगौखौ आंबो बुंनानै फिन बिदाय समाव। नौनि गुरै गुस्थिखौ आंनिजों गोरबफा होनानै नों आंखौ खुदुमोब्ला बुहुमाव मोनो थाडे। सोरगोयाव हानाय अमृत बिदैनि आखायाव आंनावबो नांनाय बायदि बेसेदि गोजोन सुदेम मिलौहावनाय जौनि अन्नाय मोजां मोनज्जालयनायाव नाथाय मिथिआ रजे समनि फखनाव बिदिन्थानि गेले होनायआ मा खालाम लाडे जौनि इयुन जीउनि दैथुम आं अरायबो आरजगाबो रजे अर्बनि सेराव नौनि आरो आंनि इयुन जीउनि गोजोनखौ रजे.....।

जनकलाल बसुमतारि
गामि- काइ मारी
ला:सो:-काइ मारी
जिला- कक्राझार, बि टि आर

जौनि बर' बिमा

ओइ बर' हिनजावफोर ओइ बर' हिनजावफोर। गावनि हारिखौ गारनानै लाबाय नोंसोर गुबुन हारिखौ। सोगाबबाय नोंसोर बर' बिमानि मोदैखौ? जानांबाय हनै बर' बिमाया खुगायाव खुदै मेगनाव मोदै लानानै आनि-थानि। फैंदो बर' फोर खौसेयै जों गावनि हारिखौ लाबोदिनि जों बर' बिमानि मेगननि मोदैखो हुगारदोनि। बर' बिमानि दुखुजों साग्लोबनानै थानाय गोसोआव खौसेयै जों सुखु लाबोनि। बर' बिमानि गोसोखौ रंजा होनि। फैंदो बर' फोर फैंदो खौसेयै आवगाय बोदो। खौसेयै जों हारिखौ गोजौआव दैखांदोनि। फैं बर' फिसाफोर फैं।

थरायना सोमजिला बसुमतारि
कासियाबारि गोजौ फरायसालि

(□ 1 बिलाड़निफ्राय)

सा 58 सुरां सिखारिफोरा हाथियारजों लो गोसे गावखौ गथायदों

सिखारिफोरा बाहायनाय हाथियारफोरखौ लानानै हाबाफारि बायदियै गावखौ गथायना होनाय हाबाफारियाव बिटिआरनि गाहाय मावफुं सोद्रोमा प्रमद बर'आ नुजाथि फैनानै हाथियार गथायनानै होनाय सुबुंफोरखौ आर'नाइजों बरायो। फारसेथिं बिटिआर हाग्रा बिफाननिफ्राय गावखौ गथायनाय साफ्रोमबो सुरां सिखारिफोरनो एकखालिन 50 रेजा रानि चैक गथायनायजों लो गोसे सुरां सिखारिफोरनि नख'रिफोरनि हाथियार 1.20 लाख रं आइबिएस बिथारिथि गथायनायनि बाश्राखौ मख'नायजों लो गोसे नख'रिफोर जेराव आखाइ-इसान, जि-जोम, दनाय-लुनायनि जोहै गावनि आधिडव गसंथानो हायो बेनि थाखाय मोनै क्लास्टर चेन्टर खुलिनानयनि बाश्राखौ फोसावना होयो।

गाहाय मावफुं सोद्रोमा प्रमद बर'आ दिने मुलुग गान्दा सानखौ लोब्बा लानानै राइमना हाग्रा ओन्सोलनिफ्राय सा 58 सुरां सिखारिफोरा गावखौ गथायनाय बिटिआर हाग्रा बिफाननि थाखाय जर'खा जाफुंसासायनि सान होना मख'यो। बिथाइ बुंदौदि, बिटिआरआव हाग्रानि जुनात बुथारनाया गेदेथार दायजों लोब्बा थानाय बिसोर सुरां सिखारिया दिने गोरोन्थि सानखानो हानानै गावखौ गथायनायाव बिसोरनि जिउ खानायनि बिबानखौ बिटिआर सरकार लानाय जादों। बेनि अनगायैबो बिफां दानफायनानै फोजेबखानाय बन दानफ्राफोरखौ हाग्रा फोजेबखानायखौ बन्द' खालामनो बर'आ खावलायो। गावखौ गथायना होनाय हाबाफारियाव प्रमद बर'जों लो गोसे बिटिआरनि हाग्रा बिफाननि मावफुं सोद्रोमा रन्जित बसुमतारि, मावफुं सोद्रोमाफोर अरुप कुमार दे, उडिलियाम हासदा, हाग्रा बिफाननि सिप्टिचड अनुराग सिंहमनजों लो गोसे हाग्रा बिफाननि बिबानगिरि-मावफारियाफोर नुजाथि फेदों। मख'नो गोनान्दि, हाथियार गथायनानै होनाय सुरां सिखारिफोरा गं 40 आखाइजों बानायनाय सिलाइनि अनगायैबो मैदेर हाथाइ आरो मैनि गंफोरखौ हाग्रा बिफाननो गथायनानै होदों। □

बि टि आर खुंथाया नखाइयै गावथार जानाय नख'रनि सोद्रोमानो

जायोदि पुलिसनि एनकाउन्टरआव जिउ गोमानाय जनक कुमार ब्रह्मनि आंगो बिदा सन्जिब कुमार ब्रह्मनो बि टि सिनि हाग्रा बिफानन कजुवेल् वाकारि महरै थिसन्थाय बिलाय गथायनाय जायो। बेगफारसे गुबुन सासेबाब जिउ गोमानाय जॉंसार मोसाहिरिनि बिसिनो थिसन्थाइ बिलाय होनो नागिरिदोंमोनबलाबो नाथाय साराडु जोबखानायनि उनावसो आजावगोन होनानै फोरमायो। लो गोसे बिसोर सानै जॉंसार आरो जनक मोननि साराडु खुंफुंनो थाखाय बि टि आर सरकारनिफ्राय 1 लाख रं अनसुंथाय हरनो खोथा होयो बि टि आरनि गाहाय प्रमद बर'आ।

बकाखातआव मोन 2479 गान्दानि गंफोरखौ सावनाय...

गंनि सोमोन्दै गोरोन्थि सानायफोरखौ फोजेबखानायजों लो गोसे बेनि मुलियारि बेसेननि सोमोन्दै खोमसि फोथायनायखौ फोजेबखानाय, गान्दानि सुरां मैहर खालामनाय आरो बेनि गंफोरखौ सुरां फालांगिरिनि हेंथायै मोनसे गोखों खोंरं दैथायहरनो थाखाय राइज्योन मोन 7 ट्रेजारियाव जमा खालामनानै दोनाय गान्दानि गंफोरखौ हाबाफारि बायदियै सावनायनि थाखाय थानाय 16 सेप्टेम्बरव खुंफुंजानाय केबिनेट जथुम्मायाव राइज्यो सरकार थांखि लादोंमोन। बे थांखि बायदियै दिने मुलुग गान्दा सानखौ लोब्बा लानानै बकाखातआव राइज्योयारि महरै गान्दानि गंफोरखौ सावनाय हाबाफारि लानाय जादों। दिनेनि हाबाफारियाव मिथिंगारि महरै आरो जाब्रथायजों थैनाय गान्दानि गंफोरखौ बोखानाय आरो सुरां सिखारिनिफ्राय बोखानाय गासै मोन 2623 गंफोरनि गेजेराव मोन 2479 गंफोरखौ सावनाय जादों। काजिरख माहारियारि पार्कआव गायसनजानो गोनां मोनसे दोन्थुमसालियाव गंनि दायथ्य आरो माखासे गंफोरनि सरेखाथिनि सायाव बिथा खालामनानै मोन 94 गान्दानि गंफोरखौ दिन्थिनानयनि थाखाय दोन्थुमनाय जागोन आरो बिजिरसालियाव केसजों बिजिरजाबाय थानायनि थाखाय मोन 29 गंफोरखौ रेखाथियै दोनाय जागोन होना गिबि मन्थिआ मिथिहोदों। राइज्यो सरकार हाग्रानि जुनातनि सुरां मैहरनि बिथिडव लाथिख' सहायनाय नेमखाथि आजावना लादों होना गिबि मन्थिआ बुंथियोदि, सरकारनि लान्थियै नाजानायनि जाहोनाव आसामआव थसे गं गोनां गान्दानि अन्जमाया 1999 माइथायाव मा 1672 निफ्राय 2018 माइथायनि सानखानाय बायदियै मा 2652 सिम बादों। एसेबां गोबां बिबांनि गान्दा गंखौ हाबाफारि बायदियै फोजेबखानायनि बे जाथाया हादत आरो मुलुगनि गेजेरावनो सेथि होना मख'नानै बेनि गेजेरजोंनो राइज्यो सरकार हाग्रानि जुनात रैखाथिनि फारसे बिबान दं। लो गोसे गान्दानि सुरां मैहरनि हेंथायैबो मोनसे गोखोंथार खोंरं दैथायहरनो लादों होना गिबि मन्थिआ बुंथियोदि, गान्दानि गंखौ जमा खालामनायखौ फानानै सरकार खाजोना आर्जिनो हागौमोन। नाथाय माखासे बिजॉनिफ्राय बोसोन मोनानयनि बाश्राखौ मख'नानै गिबि मन्थि ७ हिमन्त बिश्व शर्मांआ बुंथिदोंदि, हाग्रानि जुनातनि सम्पति आरो सम्पद फानाय-बायनाया हादतयारि आइन बेरखा, बेनि थाखायनो बे गंफोरखौ फोजेबखानाय जादों। लो गोसे बे गंफोरखौ फानोब्ला गान्दानि गंनि मुलियारि बेसेननि सोमोन्दो खोमसि फोथायनायखौ फोसावदिनाय जागोन- जायखौ राइज्यो सरकार लुबैयो। गिबि मन्थिआ बुंथिदोंदि, सुबुं देहानि फालांगियारि गनायथि होनो हाये बायदि राइज्यो सरकार हाग्रानि जुनातनि देहानि सायाव फालांगिखौबो थुलुंगाखां होयैनि थाखाय थांखि लादों। आथिखालनिफ्राय आसामआव हाग्रानि जुनात बुथारनो नाजानायनि सिगां सुरां मैहराफोर खेबनै साननांगोन होनानै मख'नानै गिबि मन्थिआ बुंथियोदि, राइज्यो सरकार बेबायदि जायखि-जाया रोखोमनि खामानिफोरखौ रेहाय होया आरो बेजों लो गोसे सोमोन्दो थानाय दायनिगिरिनि हेंथायै गोखोंनिफ्राय गोखोंसिन रहा लानाय जागोन। बियो लो गोसे बुंथिवावोदि, काजिरख माहारियारि पार्कनि गेजेरजों थानाय माहारियारि राजा लामानि साजों थांखि लानाय एलिभेटेड करिदरखौ हाग्रानि जुनातनि रैखाथिनि थाखाय थाबैनो लुफुंनाय जागोन।

गिबि मन्थिआ लो गोसे फोरमायबावदोंदि, फेगौ 1 अक्ट'बरनिफ्राय दावबायारि आरो नायगिरि अन्सायगिरिफोरनि थाखाय काजिरख माहारियारि पार्कखौ बेखेवनाय जागोन। राइज्यो सरकार रांखाथियारि खामानिफोरखौ सरसनस्त्रा खालामनानयनि थाखाय कभिडनि होबथानायफोरखौ आबुडै बोखारना लानानयनि सायावबो खामानि मावगासिनो दं होनानै बुंथियो। दिनेनि हाबाफारियाव आबहाव आरो हाग्रा बिफाननि मन्थि परिमन सुक्लबैद्य, आबाद मनिथ्रि अतुल बरा, देहा मन्थि केशव महन्त, हेन्डलुम-टेक्सटइल्ल आरो रेसम बिफाननि मन्थि उरखॉ गोर ब्रह्म, कार्बिअलं गाय खुंथाय गौथुमनि गाहाय मावफुं सोद्रोमा तुलिराम रंहं, आबहावा आरो हाग्रा बिफाननि गाहाय नेहाथारि अबिनास जशी, गाहाय हाग्रा बिबानगिरि एमके यादव, गाहाय हाग्रा सरेखाथिगिरि ७ अलका भाराबमोनजों लो गोसे माखासे गागि सुबुंफोर नुजाथि फेदोंमोन। □

तामुलपुरनि कसुकाताआव हाग्रानि मैगेरनि उदखार

आबादफोरखौ गागिलनानै खहा खालामलाडे। मैदेरनि फालोआ आबाद फोथराव हाबफैनायनि जाउनाथ गार्मिनि आनन्द डेकानि आबादा बांसिनै खहा जानायजों लो गोसे प्रसन मेथि, बिपुल डेका, अंकुर डेका, मनज मालाकर, मनापाल दास, गजेन मेथि, अनुपम राभा, डिम्बेस्वर कलिता, कंकन डेका मोनखौ लाफानानै गोबां सुबुंफोरनि आबादफोरखौ खहा खालामनायाव बैसोर आबादारिफोर रहा गैथै जानादों। ओन्सोलनि राइजो-राजाफोर मैदेरनि फालोखौ थाबैनो होखारस्तानो थाखाय हाग्रा बिफाननिसिम खावलायहरदों।

(□ 1 बिलाड़निफ्राय)

इ-श्रम कार्ड गथायनायजों लो गोसे, सांग्रांथियारि मेल

बेसेनखौ मान होनानै मिरवारि श्रम बिफानआ मोनसे माहारियारि पेटैल जागायजेदों आरो बे पेटैलआव गावनि मुंखौ थिसन्ना नै भारत सरकारनि गासैबो सुबुं अन्सायारि बिथांखिनि खाबुफोरखौ खामानि मावग्राफोर मोनो हागोन। मन्थ्रिआ लो गोसे बुंथिबावदोंदि, बे पेटैलआव मुं रैजिस्टर खालामब्ला खामानि मावग्राफोरा 2 लाख रनि इन्सुरेसनि खाबु मोनगोन आरो बेनि थाखाय जायखि-जाया रोखोमनि गोनांथार खरसा खालामनाड। पेटैलआव मुं रैजिस्टर खालामनायाव बैंक एकाउन्ट, आडार कार्ड, फन नम्बरजों लो गोसे ब्लाड ग्रुपनि फोरमानलाइखौ होथार नांगोन। 2021 माइथायनि 31 डिसेम्बरनि गेजेराव 99% सुबुंफोरनि मुंखौ रैजिस्टर खालामनानयनि थांखि थि खालामनाय जादों। बे सांग्रांथियारि मेलजों लो गोसे लोब्बा लानानैनो राइज्यो सरकारनि श्रम आरो थिसन्थाय, साह जनजाति अन्साय बिफाननि मन्थ्रि सन्जय किसारआबो हाबाफारि बायदियै इ-श्रम रैजिस्टर खालामनानयनि बादारखौ बेखेवो। सन्जय किसारआ गावनि बिबुंथियाव बुंथिदोंदि, गाव-गावनि थैखौ दै खालामनानै आसामखौ जौगाखों होनो खामानि मावग्राफोरखौ जों बयबो मान होनांगोन। जायखि-जाया मावखुलिफोरारनो खामानि मावग्राफोरा गोसो गाञ्जि मोना बेनि थाखाय सरकारि बिबानगिरिफोरा सांग्रांथि जानांगोन। खामानि मावग्राफोरनि मुं रैजिस्टर खालामनानयनि बिथिडव साफ्रोमनिबो हेफाजाब खुवलायदों। सांग्रांथियारि मेलनि जोबथारनायाव मुलाम्फायारिफोरनि गेजेराव भारत सरकारनि श्रम आरो थिसन्थाय, पेट्रिलियाम आरो मिथिंगायारि गेस बिफाननि राइज्यो मन्थ्रि रामेश्व तेलि आरो मन्थ्रि सन्जय किसारआ इ-श्रम कार्ड, मावसुमाफोरनि इयुन निधीनि पेन्सननि धोन आरो कभिड रेलिफ बिथांखिनि धोन रानसारनानै होयो। दिनेनि हाबाफारियाव भारत सरकारनि खामानि मावग्रा अन्साय बिफाननि जुथाय नेहाथारि अजय शंकर टिवारि, राइज्यो सरकारनि खामानि मावग्रा अन्साय बिफाननि गाहाय नेहाथारि ७ जेबि एक्का, पेट्रिलियाम आरो मिथिंगारि गेस बिफाननि मन्थ्रिनि गावआरि नेहाथारि बिरेन्द्र मिताल, लेबार कमिसनार अमिताभ राजकवा, खामानि मावग्रा अन्साय बिफाननि नेहाथारि मूदल महन्त, इपिएफ, इएसआइनि बिबानगिरिफोर, गुबुन गुबुन बिफाननि बिबानगिरिफोर, लेबार इडनियननि सोद्रोमाफोर आरो खामानि मावग्राफोरा नुजाथि फेदोंमोन। □

तामुलपुर मोब्लिब रानसारथाय खोन्दोनि बिबानगिरि-मावफारियाफोरा सिखावै

हान्जाय आयेन बेरेखायै मोब्लिब बाहायनानै गोलाव समनिफ्रायनो जेबो रोखोमनि मासुल एवा खौजोना सुख'याजासे मोब्लिबनि सिबिथाय लाबाय थानाय माखासे नखरफोराव हाबाफारि लानानै नखरनि गुबुन गुबुन मुवा-बेसादफोरखौ बोखानानै तामुलपुर मोब्लिब रानसारथाय खोन्दो मावख'आव लानानै थाडे। मख'नो गोनादि तामुलपुर महकुमानि गुबुन गुबुन जायागाफोरव दिनेसिमबो सरकारनि नेम-खाथिखौ सिफायनानै गोबां सुबुंफोरा आयेन बेरेखायै बाहायबोबाय थानाय समावनो ओन्सोलाव हाबाफारि लायो बिफाननि बिबानगिरिआ। लो गोसे आयेन बेरेखायै मोब्लिब बाहायग्राफोरखौ थाबैनो मोब्लिबनि मासुल सुख'नायनि अनगायैबो मोब्लिबनि मिटार लागायनो खावलायहरो। हाबाफारि लानाय समाव तामुलपुर मोब्लिब रानसारथाय खोन्दोनि खाजोना सामब्लायगिरि रमेन बक्सि, लेडय सामब्लायगिरि नयनज्यति बरा, गान्धीबारि पुलिस थानानि मोनसे हान्जाया बे हाबाफारि लानायव हेफाजाब होदोंमोन। तामुलपुर मोब्लिब रानसारथाय खोन्दोनि इन्जिनियारि सुर्य किरन गौ आरो लो गो सामब्लायगिरि रमेन बक्सिआ मिथिहोनाय बादिब्ला महकुमानि गोबां ओन्सोलाव दिनेसिमबो आयेन बेरेखायै मोब्लिबनि फोनांजाब लानानै मोब्लिबखौ बाहायगानायजों लो गोसे जेबो रोखोमनि मासुलखौ होयाखै। फेगौ समफोरारवबो आयेन बेरेखायै मोब्लिब बाहायग्राफोरनि हेंथायै बेबायदि हाबाफारि लानायजों लो गोसे बेबायदि सुबुंफोरनि हेंथायै गोखों आयेनयारि रहा लानाय जागोन होनानै फोरमायो।

मुसलपुराव जाब्रथाय जानानै सासे थैदों, सानै जोखोम

टिपिएस बाइकजों आरो एएस 28 ए-0114 नम्बरनि हन्डा बाइकजों मोगा-मोगि सौग्रावलायनाय जाब्रथाय जायो। जाब्रथाय जानायव मुसलपुरनि साखाथि मद्रुपनि दम्बर देवालनि (12) मुनि सुबुड जाथाय सालियावनो जिउ गोमायो। लो गोसेनो सान्तिपुरनि दिपक सिक्केल (18) आरो दुमुनि देकादिनि अशक कुजुर (19) मुनि सानै सुबुंफोरा गोब्राबै जोखोम जायो। जायनि उनाव जोखोम जानाय सानैखोबो मुसलपुर डा: रबि बर' सिभिल देहा फाहामसालियाव थिसनफैयो। □

मुसलपुर आरो काजलगाव नंखाय इनकाउन्टर खालामनानयनि हेंथायै एबसुआ सोमावसारदों

जायो। काजलगावआव थानाय 31 नं (सि) माहारियारि राजा लामानि साखाथियाव थानाय जिल्ला यगा मिरुआव सोमावसारगिरिफोरा आखाइ-आखाइ प्लेकार्ड लानानै जौनो थार बिजिरनाय नांगो, नंखाय एनकाउन्टर खालामनायखौ बन्द खालाम, कक्राझार पुलिस ग'बेक, जिउ गोमानाय सुबुंफोरनि नख'रनो खहा सुफुंथाय होनांगो, दायनिगिरिखौ साजा होनांगो बायदि बायदि स्लगानजों होसिखावनानै गोमखंहोयो। साननि 11 रिगानिफ्राय खुंनाय नै घन्टानि सोमावसारनाय हाबाफारियाव मिरु एबसुनि गाहाय नेहाथारि खनिन्द्र बसुमतारिआ बाहागो लानानै खौरंगिरिफोरनि सिगाडव बुडोदि, बि टि आरआव गोजोन थासारिआ गिदिबोफिननायनि समावनो पुलिसआ सानै बर' लाइमोनफोरखौ इनायै गावथारनाय जाथायखौ गोखों रवजों सांखारिदों आरो मोनबो जाहोनावनो एबसुआ बुथारनाय-हिंसा आरो गुबुंले थासाखिखौ माब्लाबाबो नागिर। लो गोसे गोजोन आरो जौगाथायनि सार्थआव बि टि आर गोरोबथानि दफाफोरखौ 100 जौखोन्दो मावफुंनो थाखाय सरकारनिसिम दाबि देखाडे आरो इयुनाव जाहाते बेबायदि नंखाय एनकाउन्टरनि गेजेरजों रवबो दाय गैथै सुबुंनि जिउ गोमाया बेनि थाखायबो सांग्रांथि होयो। बे हाबाफारिनि गेजेरजोंनो चिरं जिल्ला एबसुनि आफादगिरि रजु कुमार मुसाहारी आरो गाहाय नेहाथारि दिलिप कुमार बसुमतारिआ मुंसाय होनाय गासै मोनरै दाबि गोनां गांसे गोसोखों लाइखौ जिल्ला बेंगिरिनि गेजेरजों राइज्योनि गिबि मन्थ्रिनिमिम दैथायहरो। बे हाबाफारियाव एबसुजों लो गोसे चिरं जिल्ला बर' थुनलाइ आफाद, दुलाराय बर' हारिमु आफाद, चिरं जिल्ला ट्राइबेल संघनि दैदेनिगिरि-सोद्रोमाफोरबो बाहागो लादोंमोन।

गुबुन फासैथिं बे मोनसे जाथायखौ लानानैनो बाक्सा जिल्लानि सदर मुसलपुरआवबो बाक्सा जिल्ला एबसुनि बान्जायनायाव सोमावसारनाय हाबाफारि खुंफुंलाडे। मुसलपुरनि बाथैफुरिआव बाक्सा जिल्ला एबसुनि बान्जायनायाव खुंफुंनाय सोमावसारनाय हाबाफारियाव आखाइ-आखाइ प्लेकार्ड लानानै जौनो थार बिजिरनाय नांगो, नंखाय एनकाउन्टर खालामनायखौ बन्द खालाम, कक्राझार पुलिस ग'बेक, जिउ गोमानाय सुबुंफोरनि नख'रनो खहा सुफुंथाय होनांगो, दायनिगिरिखौ साजा होनांगो बायदि बायदि स्लगानजों होसिखावनानै ओन्सोलाखौ गोमखंहोयो। बे हाबाफारियाव बाक्सा जिल्ला एबसुनि आफादगिरि उमेश देमारी, नेहाथारि नन्देस्वर बर', लेडय आफादगिरि रोमदोन बसुमतारि, बाक्सा जिल्ला बर' थुनलाइ आफादनि नेहाथारि जेन्ना खुंगुर उज्जर, बाक्सा जिल्ला गर्खा समाजनि आफादगिरि थमन केराला मोनखौ लाफानानै गोबां दैदेनिगिरिफोरबो बाहागो लादोंमोन।

बेराफासै दिने मुसलपुर दुगां मन्दिनि गेलेरा फोथराव बाक्सा जिल्लानि फरायसालिमाफोरनि बर' बिजॉनि फरायसुला-फरायसुलिफोरबो ज' जानानै थानाय 18 सेप्टेम्बरखालि कक्राझारआव सानै बर' लाइमोनफोरखौ इनायै गावथारनाय जाथायनि सायाव गोजौ थाखोनि बिजिरनाय होनांगो लो गोसे दायनिगिरि पुलिस बिबानगिरिखौ गोखों साजा होनांगोनि दाबिजों सोमावसारो।

कक्राझाराव एबसुनि 2 घन्टा खुद्रिखां दिन्थिफुंनाय हाबाफारि

फरायसा आफाद, बिटिआर सुत्रधर सममिलननि, बिटिआर नाथ यगि फरायसा आफाद, राभा आइजो गौथुम, बर' थुनलाइ आफादनि गोबां दैदेनिगिरि, बिबानगिरि आरो मावथिफोरबो बाहागो लाफानानै बायदि-बायदि स्ल'गानजों जॉंसार आरो जनकखौ जिउ फोजेबनाय जाथायनि सायाव थार बिजिरनाय नांगोनि दाबि खालामो। लो गोसे ओन्सोलाव जौनो गोजोन थासारि नांगो, जौनो बिजिरनाय नांगो, बिजिरनाय मोनाब्ला जों जिरया, बर' लाइमोनफोरनि सायाव इनाय अनगागर खालामनानयनिफ्राय जानगराव थानांगो बायदि-बायदि स्ल'गानजों 2 घन्टा सम कक्राझार सहरखौ गोमखंहोयो। बे हाबाफारियावनो मिरु एबसुनि आफादगिरि दिपेन बर'आबो बाहागो लाफादोंमोन। बिथाइ गावनि बिबुंथियाव गिबियै जॉंसार आरो जनकखौ नंखाय दाय होनानै जिउ फोजेबनाय जाथायनि सायाव गोथौवै दुखु मोननाय फोरमायो। लो गोसे बे जाथायनि सायाव मोनसे गोजौ थाखोनि सं दानायनि गेजेरजों नंगुबै जाथायखौ सोराडव लाबोनांगो। लो गोसे जुदि नंखायै जिउ फोजेबनायनि सायाव नायबिजिरनाया नंखायैनो फोरमोन ऑखोरब्ला बे जाथायनि दायनिगिरिफोरखौ आइन बायदि गोखों रहा लानांगो होनानै गोखों दाबि खालामो। लो गोसे बर' हारि लाइमोनफोरनि सायाव बेबायदि इनाय अनगागर खालामबाय थायोब्ला दुलाराय बर' फरायसा आफादआ माब्लाबाबो सहायनानै थानाय नड होनानै फोरमायथियो मिरु एबसुनि आफादगिरि दिपेन बर'आ। कक्राझार जिल्ला एबसुनि बान्जायनायाव दिनेनि बे खुद्रिखांनाय दिन्थिफुंनाय हाबाफारियाव जिल्लानि सिडव थानाय गुबुन गुबुन दख'या, दालाइ एबसुनि गोबां दैदेनिगिरि, बिबानगिरि आरो सोद्रोमाफोर बाहागो लाफेनायजों हाबाफारिया जाफुंसारै जोबलाडे। □

बाक्सा जिल्लायाव सा 3 दालालफोरखौ हमबावदों

बिबानगिरि नरेन सन'चालआ बुडोदि, जिल्ला बेंगिरिनि एजाहारनि बिथायाव जिल्लानि गासैबो रैभिनिउ सार्केल मावख'नि गुबुन गुबुन बिबाननयाय रं लानाय-होनायजों लोब्बा गोनां सुबुंफोरनि हेंथायै रहा लानो बिथोन होयो। बे बिथोन बायदियै दिने बाक्सा जिल्लायाव गासै सा 14 दालालफोरखौ हमनानै जोबथेसालियाव दैथायहरनाय जायो। हमनो हानाय दालालफोरखौ फारियै राजा ब्रह्म, प्रनव बर', जगत बैश्य, बिरेन तालुकदार, इसमाइल आलि, भुबनेस्वर राभा, मलसिं राभा, बुलेन बसुमतारि, केशव दास, धुबज्यति दास, कुशल बर', फुलेन्द्र खतनियार आरो रजत बर'। पुलिसआ बिसोरनि हेंथायै आइ पि सिनि 103 दफानि सिडव 12 बि 420/401/468/478/471 धाराव हमनानै जोबथेसालिसिम दैथायहरो।

गुबुन फासैथिं दिने खौरंगिरिनि सिगाडव सार्केल बिबानगिरि मावख'नि सिडववो सोरबा लातमन्डलआ दालाल खालामोब्ला जों जेबो मिबिथाया होनानै बिबुंथि होयो बाक्सा जिल्ला रैभिनिउ सार्केलनि महरि संघआ। दिने मुसलपुरआव थानाय सार्केल बिबानगिरि मावख'नि महरिफोर बुडोदि, जों माखासे सोलंथाय गैथै एबा खामानिनि खाथि मिबिथियै सुबुंफोरखौसो मदत खालामबोदों। नाथाय जों माब्लाबाबो दालाल नड। मावख'नि सिडव सोरबाफोर दालाल खालामोब्लाबो जौंखौ मिबिथि होया होनानै रोखा खालामना होयो। महरिफोरनि खोथायाव मोनसे रोखोमै रोखा जायोदि मावख'नि सिडव लातमन्डल आरो बिबानगिरिफोरनो गोलाव समनिफ्रायनो दालाल खालामबोदों। मख'नो गोनांदि थानाय मंगलबारखालि आसामनि रैभिनिउ सार्केल बिबानगिरि मावख'आव हाबाफारि लानानै माखासे दालालफोरजों लो गोसे लातमन्डलखौबो हमनानयनि उनाव दिने बाक्सा रैभिनिउ सार्केल मावख'आव गिनानै सासेबो लातमन्डलआ नुजाथियैयाव मावख'आव फैनाय सरसनस्त्रा सुबुंफोरा जैनायाव गोगलैनो गोनां जायो। मख'नो गोनांदि, बाक्सा जिल्लानि सदर मुसलपुरआव थानाय बाक्सा रैभिनिउ सार्केल बिबानगिरि मावख'आव मन्डल-बिबानगिरिफोरा गोलाव समनिफ्रायनो सरसनस्त्रा राइजो-राजाफोरखौ खस्ट होबोनायनि अजदखौ खोनाबाय थायोब्लाबो दिनेसिम बाक्सा पुलिसआ मावख'नि सासेबो लातमन्डल एबा बिबानगिरिखौ सांथि सौनायनि थाखाय हमैयाव राइजो-राजाफोरनि गेजेराव खुद्रिखांनाय सोमजिदों। जरखायै मावख'नि सासे गागि लातमन्डल एबा बिबानगिरिआ जायखिजाया सरसनस्त्रा खामानि मोनसेनि थाखाय राइजो-राजनिफ्राय रं दाबिबोनाय खोथाखौ ओन्सोलाव बयबो मिबिथियो। बेनिखायनो पुलिस एबा खुंथाया बे मावख'आव खाख्ल'थायजों लोब्बा थानाय मन्डल-बिबानगिरिफोरनि सायाव नायबिजिरनानै नांगो बायदियै रहा लानांगोनि थाखाय ओन्सोलनि राइजो-राजाफोर दाबि देखाडे।

मानास माहारियारि पार्कआव गोखों सोमावसारदों

हाबाफारिजों सोमावसारो। बे सोमावसारनाय हाबाफारियाव आमसुनि मावथि सोद्रोमाफोर आखाय-आखाय बेनार, प्लेकार्ड लानानै आमसु जिन्दाबाद, बि जे पि हाय-हाय, होखारस्तानाय हाबाफारिखौ बन्द खालाम बायदि स्लगान होनानै ओन्सोलखौ सोगोमखां होयो। बे सोमावसारनाय हाबाफारियाव आमसुनि मिरुनि लेडय आफादगिरि नजबुल इस्लाम, मिरुनि फोसावथाय नेहाथारि आन्दुल रहिम, बाक्सा जिल्ला कमिटीनि आफादगिरि साफुल इस्लाम खान, गाहाय नेहाथारि साहादत हुसेइनजों लो गोसे माखासे मावथि सोद्रोमाफोरबो बाहागो लादोंमोन।

खौरंगिरि फाहामथाय अन्साय बिथांखिनि सिडव सा 4 खौरंगिरिनो रांखाथियारि

आरान्द्रा (बिफानि थाखाय), राजिब दत्त आरो जयप्रकास सिं। जथुमाव फोरमायथि आरो सुबुं फोनांजाब बिफाननि नेहाथारि निरा गगै सनवाल, सामलायगिरि बिष्णु कमल बराजों लो गोसे सायख'ग्रा आफादनि सोद्रोमाफोरा दंमोन। □

पानबारियाव बड'लेन्ड मुंख्लुं फुटबल बादायलायनाया जाबाय

बिजनी, 22 सेप्टेम्बर: मुलुग गान्दा सानखौ लोब्बा लाखिनानै दिनेनिफ्राय चिरं जिल्लानि सिडव थानाय बिजनी महकुमानि पानबारियाव जागायजेनबाय बड'लेन्ड माटियारि ट्रपि - फ्राइवमानि फुटबल बादायलायनाय -2021 आ। भारतीय थाव निगम बडइगाव रिफाइनरनि सामलायनायाव पानबारि दख'रा दुलाराइ बर' फरायसा आफाद आरो सोमखोर मानास सेन्ट्रल लाइब्रि एन्ड क्लबनि बान्जायनायाव पानबारिनि बड'फा उपेन्द्रनाथ ब्रह्म गेलेमु फोथाराव दिनेनिफ्राय फेगौ सान 10 नाइ



बादायलायनो गोनां फुटबल बादायलायनाया जागायबाय। जायखौ दिने हाबाफारि बायदियै बेखेवनानै होफैयो भारतीय थाव निगमनि बडइगाव रिफाइनरनि कारिकरि सिबिथाय आरो देहा रैखाथि थासारिनि गाहाय बिबानगिरि एएस बि लहकरआ। लो गोसे

बेखेवनाय हाबाफारियाव। गासै मोन 23 हान्जाफोर बाहागो लानो गोनां बे बादायलायनयनि बेखेवनायाव दिनेनि गेलेमुयाव सुलियाखाता रिखांदाव क्लाव आरो गरम बाजार साइक्लन क्लाबनि गेजेराव खुंफुं जादों। बराय गेलेमुयाव सुलियाखाताआ गरम बाजार हान्जाखौ 4-0 गलनि फरागथियाव फेजेदों। मख'नो गोनांदि, मुलुग दांखा आसामनि मोनो थाडे थसे गं गोनां गान्दानि रैखाथिनि थाखाय सांग्रांथियारि सोरजिनानयनि थांखिजों बडाइगाव रिफाइनरनि बान्जायनायाव बे बादायलायनाया खुंफुं जागोन। □

बिटिआरनि मावफुं सोद्रोमा घनज्य बसुमतारि आरो चिरानि हाग्रा बिबानगिरि ब्रह्ममन्ड बातिरिमोनहाबो नुजाथि फेदों

सुपार 30 नि फावखुंग्रि मृणाल ठाकुरआ गावनि बल्ड आखुखौ दिन्थिदौं

गोदान दिल्ली, 22 सेप्टेम्बर : मृणाल ठाकुरखौ मुंदांखा रेपार बादशाहनि पार्टि नम्बर बेन्ड बय इनटु बेड गालंआव निकिता गान्धीनि लिक्विडआव दोहौ सोमजिहोनाय नुनो मोनगोन। बे देखोनि लुकआ सोराडव फेनायनि उनिफ्राय मृणालनि हट आखुआ ससियेल मिडियाआव भाइरेल जादौं। फावखुंग्रिनि बायदिब्ला बे देखोआ गासिबोनिफ्राय आलादा जादौं। सनी मिडिजिकआव रिलिज जानाय बेड बय बेड गालंआव बादशाहनि रेप दड। बेयो गिबि खेब जादौं जेराव बियो मृणालजौं लोगोसे माबेबा प्रजेक्टखौ खालामदौं। बादशाहआ बुंदौंदि, बेड बय बेड गालंआ मोनसे रंजाथाव जादौं। जाय गावनि गार्डनो माखासे रंजानाय लानो थाखाय



थुलुंगाखां होयो। जौं साफ्रोमबोनाव अराय सम माखासे जिगा सिनाया थाबाय थायो, नाथाय माब्लाबा माब्लाबा गावनि गासिबो जिगा सिनायखौ नागारनानै रंजानाय मोजां जायो। रेपारआ बुंदौंदि, गाव मृणाल ठाकुरखौ लोगोसे मिडिजिक भिडियनि सुटिआव मोजां समखौ हगारहरदौं। बे

देखोनि थाखाय बादशाहजौं लोगोसे हाबाफारि मावनायनि मोन्दांथिखौ सेयार खालामनानै मृणाल ठाकुरआ बुंदौंदि जाय समाव बादशाहया गावनो बेड

बय बेड गालंखौ खोनासं होदौं अब्ला गाव गावनि गोसोसिखव बेखौ खालामनो गोसो जानायखौ हमदांथिदौं। बेयो औरैबायदि मोजां डान्स नम्बर

जादौं। जाय गावनि माखासे हाबाफारिनिफ्राय गोबां आलादा। देखोआव गावनि लुग आरो गावनि दिन्थि फुंनाया फेन्सफोरनि थाखाय मोनसे अन्थोब जादौं आरो बेखौ मोजां मोनगोन होनानै गाव आसा खालामदौं। निकिताआ सासे मुंदांखा प्लेबेक देखोगिरि, जाय लक्ष्मी, राब्ला का टाइटेल् ट्रेक आरो जग्गा जासुस, जब हेरी मेट सेजल बायदि माखासे हिट सावथुनफोरव हिट देखोखौ रोजाबदौं। बियो बादशाहजौं लोगोसे गावनि गिबिसिन नन सावथुननि देखोखौ लानानै एक्साइटेड जादौं।

प्रिया प्रकाशआ गावनि आखुजौं फेन्सफोरखौ जावलिया खालामदौं

गोदान दिल्ली, 22 सेप्टेम्बर: प्रिया प्रकाशखौ गावनि आखुजौं फेन्सफोरनि गोसोआव जर'खा जायगा आवग्रिनो हानाय नुनो मोन्दौं। प्रिया प्रकाशआ लेहंगा गान्दौं, जेराव क्लीभेजखौ रोखायै नुनो मोन्दौं। बिनि एक्सप्रेसनखौबो गोमोथाव नुदौं। मख'नो गोनांदि, प्रियाआ तेलेगु सावथुनफोरव आगान होखांबाय। बिखौ सावथुन चेकआव नुनो मोन्दौं। बे सावथुनआव प्रियाजौं लोगोसे रकुल प्रोट आरो नितिनखौ गाहाय फाव खालामनाय नुनो मोन्दौं। थांनाय सानआव चेक सावथुननि शुटिनि समाव बिनि मोनसे भिडिअआ गोबां भाइरेल जादौंमोन, जेराव प्रिया प्रकाशआ खारबोनानै नितिननि बिखुडव बाजाफैयो आरो बै समावनो बनि सायाव जाब थाय जायो। मख'नो गोनांदि, प्रियाखौ बे



भिडिअआव गावखौ सामलायनो हायैआव गोलैनाय नुनो मोन्दौंमोन। प्रिया प्रकाशआ बेनि सिगां मालयालमसावथुनफोर आरो मिडिजिक भिजिअफोरव फाव खालामखांबाय। सावथुन Oru Adaar Love नि मोनसे

नुथायआ गोबां भाइरेल जादौंमोन, जायजौं बियो दुलाराय हादरआवनो मुंदांखा जादौंमोन। बे नुथायाव बिखौ स्कुल गालंनि फावआव नुनो मोन्दौंमोन। मेगन खेबनाय बिनि भिडिअआ ससेल मिडियाआव साग्लोबसारनानै थादौंमोन।

एली गल्डिआ 24 बोसोर बैसोआवनो सुपारस्टार जादौं

गोदान दिल्ली, 22 सेप्टेम्बर : बलिउड एबा हलिउड स्टारफोरनि सरसन्ना महरै जौगाखानायखौ नुनो मोनो, नाथाय बै जौगाखानायखौ मोननो थाखाय जेसेबां दावबायनायखौ बिसोरो खालामनानै, बेखौ नुनो मोना। बे दावबायनाय सुबुंफोरनि गेजेराव पप देखोगिरि एली गल्डिआबो सासे। एलीनिया गोबां एवाडफोर दडआरो फुरा मुलुगआव बिखौ सिनायो। नाथाय बै जौगाखानायसिम सौहेनायनि थाखाय गोरलै नडमोन। मोगथाडव एलीआ पेनिक एटकनि जेनाजौं भुगिनादौं आरो बेनि अनगायैबो बियो गोबां खस्ट खालामोमोन। स्टारडमनि जाहोनाव गोबां हाबाफारि गोबां वाकंआउट आरो पेनिक एटकनि जाहोनाव माखासे खेब बियो गोबां लोरखांबो जायोमोन। 34 बोसोरनि एलीआ बावैसो समाव गावनि गांसे बिजाबआव माखासे गोमोथाव बाश्राखौ फोरमायदौं। बियो गावखौ लोरखां हमदांथियोमोन आरो बे जाहोनि थाखायनो बियो सम-सम इन्फिरियरिटी कमप्लेक्सनि मैहुर जानाडोमोन। नांगौनिफ्राय बासिन वाकंआउट आरो पेनिक एटकनि जाहोनाव एलीआ माखासे खेब पारफर्मैन्स आरो फटसुट खालामनायनि सिगां जौसानि उन फारसे गोलैयोमोन। नाथाय एलीआ गोबां नाजानानै गोखैयै सिनायथिखौ मोन्दौं आरो गावनि जिउआव नांथाबदौंमोन। माखासे खेब बियो सानसेआवनो मोन 3 आलादा आलादा हादतफोरव पारफर्म खालामनो थाडोमोन। देखोगिरिया फोरमायदौंदि, गाव माब्लाबाबो गावनि गोजाम सल'खौ उन फारसे गिदिनानै नायहरफिनाखै मानोना गाव बै समखौ फेफिन जानो गियो।

इशा देउलआ गोसोनि बाथा फोरमायदौं



गोदान दिल्ली, 22 सेप्टेम्बर: फावखुंग्रि इशा देअलआ मोनसे इन्टरभिउआव गावनि सरसन्ना खांनाय-बानायनि सायाव बाथा सावरयदौं। बियो फोरमायदौंदि, गाव सुपारस्टारफोरनि फिसाजो जादौंब्लाबो गावनि खांजानाय बाजानाय सरसन्ना गथ'फोरनि बायदि जादौं। जेब्ला गाव गेदेर जायो अब्ला रिक्सा आरो ट्रेनआव गुबुन सरसन्ना सुबुंफोर बादि दावबायदौंमोन। इशाया

बुंवावदौं, गावनि बिमा-बिफाया सुपारस्टार, सानैबो लिजेन्ड, नाथाय बिसोर सानैआ गावसोरखौ खांनाय-बानायाव साबसिन हाबा मावदौं आरो गेजेर थाखोनि थासारिआव गियान होनायजौं लोगोसे आखल-आखुखौ फोरदौं आरो सन्मान होनो फोरदौं। गाव बिसोरनो गावनि सरसन्ना उन्दै समनि थाखाय आबुडे क्रेडिट होनो हास्टथायो। बिसोर जाय


स्कुलआव गावसोरखौ फोरदौं बेवहायबो गावसोरखौ स्टारकिडसनि अनगायै सरसन्ना गथ'फोर बायदि बाहायनाय जादौं। गाव रिक्साजौं दावबायदौं। बै समाव गाव गोबां स्पटस गेलैयोमोन अब्ला गावसोर हादरनि माखासे जायगाफोरव टुनामेन्टआव बाहागो लानो थाखाय थांनो गोनां जायोमोन आरो ट्रेनजौंनो दावबायोमोन। मख'नो गोनांदि,

बलिउडआव इशानि जोबथा सावथुनआ 2011 नि ड्रामा टेल मी अ खुदामोन। 2012 आव जुलि जानायनि उनाव बियो सावथुननिफ्राय ब्रेक लादौं। इशानिया सानै फिसाजोफोर

दड। इशाखौ डिन्नी प्लास हटस्टार भिआइपि क्राइम ड्रामा सिरिज रुद्र दा एज अफ डार्कनेसआव नुनो मोनसिगोन, जेराव अजय देबगानआ एक्टि खालामदौं।

25 बोसोर बैसोनि फावखुंग्रि इश्वरी देशपाण्डेआ जिउ गोमाबाय

मुम्बाइ, 22 सेप्टेम्बर : माराठी फावखुंग्रि इश्वरी देशपाण्डेआ गारिजौं जाब्रबथाय जानायाव रंसारि जाबाय। गारियाव बिनि लोगो शुभम देगडुआबो दंफादेरोमोन। शुभमआबो जाथायसालियावनो रंसारि जादौं। समबारनि फुंआव बिनि गारिया गवानि अरपर ओन्सोलआव गोथौ दैआव गोलैदौं। दैआव गोदोनायजौं बिसोर सानैआ रंसारि जादौं। पुलिसआ गारि सिनिफ्राय गोथै सहखौ बोखांदौं। जागाय



जेन्नायनि नायबिजिरनायाव मोनथिनो मोन्दौंदि गारिआ गोबां गोखैथियै खारदौंमोन। जाय सामलायनो हायै जानानै दैआव

गाहाम देहानि राहा

सामब्राम गुफुरा स्किन प्रब्लेमखौ फोसाबनायाव मदत खालामो

सामब्राम गुफुरनि मदतजौं मोनसे समायना गोखां मोनो हागौ। सामब्राम गुफुरा मोखांनि दाग दागोखौ खारहोनायाव मदत खालामो। बेयाव एन्टि अक्सिडेन्टजौं लोगोसे माखासे देरहोग्रा लावहोग्रा गुण थायो। अदेबानि मोखांनि दाग-दागोखौ खारहोना थाखाय एफेक्टिड एरियाआव सामब्राम गुफुरनि पेस्ट लागाय नांगौ। बे पेस्टखौ फुन्नायजौं सिथर-सिलानि जेनानिफ्राय रेहाय मोनो हागौ। फुनि समाव बेरे मोदौं आरो लेबुजौं लोगोसे सामब्राम गुफुर जायोब्ला सिथर-सिलाफोरखौ खम खालामनो हागौ।



लागायनांगौ। बे पेस्टखौ लागायनानै गासै 5-10 मिनिटनि थाखाय दोन्ना उनाव दैजौं सुनांगौ। माखासे सानसिम बे राहाखौ आजावना लानायजौं सालमाइ आरो बेनि दागोफोरखौ खम खालामनो हागोन। (2) सामब्राम गुफुरा बिगुरखौ साफा खालामो। बेनि थाखाय गरसे सामब्राम गुफुरखौ खावसे टमेटजौं गलायना पेस्ट थियारि खालामनो बे पेस्टखौ 10 मिनिटनि थाखाय मोखाडव फुन्ना दसे समनि उनाव दैजौं सुनांगौ। बेयो बिगुरनि फर्सखौ खालामना बे पेस्टखौ सालमाय जानाय जायगायाव

खालामनायाव मदत खालामो। (3) सामब्राम गुफुरा स्ट्रेच मार्क्सखौ जानागर खालामो। बेनि थाखाय अलिभ अयेलआव सामब्राम गुफुरनि रस होना गरम खालामना स्ट्रेच मार्क्सआव मालिस खालामनो हागोन। माखासे सानसिम बे राहाखौ खालामनायजौं स्ट्रेच मार्क्सनिफ्राय रेहाय मोनो। (नट : बेयाव होनाय खौरंखौ सोरबा देहा फाहामगिरिनि बोसोन महरै लानो नाडा। मानोना बेयो फोरौं थाइ होनायनि नोजरजौंसा होनाय।)

पायल घषआ एसिड एटाक्ट निफ्राय रैखा मोनो हादौं

गोदान दिल्ली, 22 सेप्टेम्बर: सावथुन मेकार अनुराग काश्यपनि सायाव जिनाहारि खालामनायनि दाय जाबसिनायनि उनाव खौराडव फेनाय फावखुंग्रि पायलआ दाबि दैखांदौंदि, जेब्ला गाव मुम्बाइआव मुलि बायनानै न'आव फेफिन्दौंमोन अब्ला माखासे मुखा गानाय सुबुंफोर गावनि सायाव एसिडजौं गाग्लोबदौंमोन। पायलआ बुंदौंदि, जेब्ला बियो गावनि गारिजौं थांदौंमोन अब्ला माखासे सुबुंफोर बिनि सायाव रडजौं गाग्लोबदौं आरो बिसोरनि आखाइयाव गंसे बथल दडमोन। बियो बै बथलआव एसिड दडमोन होनानै सन्देह खालामदौं। फावखुंग्रिआ बेखौबो दाबि दैखांदौंदि, गाव गाग्लोबनायनिफ्राय रैखाथि मोन्दौं, नाथाय आखि आखाइयाव सरसन्ना जोखोम जादौं। ससेल मिडियाआव भाइरेल जानाय मोनसे भिडिअआव पायल घषखौ बे



जाथायनि सोमोन्दै फोरमायनाय नुनो मोन्दौं। भिडिअआव पायलआ फोरमायदौंदि, आं पायल घष आरो तांनाय सानआव आं माखासे मुलि बायनो थांदौंमोन। जेब्ला आं ड्राइभरनि सीटआव जिरायनो नाजादौंमोन अब्ला माखासे सुबुंफोर फेदौं आरो बिसोर आंनि सायाव गाग्लोबनो नाजादौं। बिसोरनि आखाइयाव गंसे बथल दडमोन। आं मिथियादि, बे बथलआव मा दडमोन। आं बै बथलआव

एसिड एबा माखासे मुवा-बेसाद थानायखौ सन्देह खालामदौं। पायलआ भिडिअआव फोरमायदौं, बिसोरो आंखौ रडजौं गाग्लोबना नाजादौं आरो आं रैखाथि मोनो नाजादौं, बेनि उनाव हसिखावदौं, बेनिखायनो रडआ आंनि आखाइयाव गोलैदौं आरो जोखोम जादौं। फावखुंग्रिआ मोनसे इन्स्ट्राम स्टरीआव शेयार खालामनानै दाबि दैखांदौंदि, दुखु मोननायनि जाहोनाव आथिखालाव उन्दुनोबो हायाखै।

तालिबानआ लाइजाम लिरहरनानै इउएननि जथुम्मायाव बाहागो लानो दाबि दैखांदों

एउएन, 22 सेप्टेम्बर : आफगानिस्ताननि सायाव दखल खालामनाया 1 खावसे दान जालाबाय। नाथाय पाकिस्तान आरो चीननि नाजासेयावबो तालिबाननो दासिमबो रावबो हादतआनो सुबुंधियारि गनायथि होयाखै। बेनि गेजेरजों आथिखालाव तालिबानआ बुडोदि, निउयकयाव जानो नागिरनाय इउएन गिदिर सुबुं गोमायाव बाहागो लानानै मुल्तुगनि दैदेनगिरिफोरजों सोमोन्दो लाखि होनागौ। तालिबानआ दहायाव थानाय गावसोरनि बुंधियारि सुहेल शाहीनखौ इउएनआव आफगानिस्ताननि थान्दैबो थिसनो। बेनि सोमोन्दै थानाय समबाखालि तालिबाननि गुबुन हादतयारि मन्थि आमिर खान मुलाकीआ इउएन गाहाय



सेक्रेटारि एन्टिनय गुतारेसो लाइजाम लिरहरो। बे लाइजामआव मुत्ताकीया आफगाननि फारसेनिफ्रायनो बिसोरनोबो इउएनजिएयाव बुंनो होनागौ होन्नानै दाबि दैखाडो। इउएनजिएनि मिट्टिआ फेगौ समबावव जोबसिगोन। औरैहाय गुतारेसनि बुंधियारि फरहान हकआ मुत्ताकीनि लाइजाम मोन्नायखौ फोरमायदों। थानाय दानसिमाव

गुलाम हजाकजलआ आफगानिस्तान सरकारनि इउएनआ रजथान्दै जादोंमोन। बेनि सोमोन्दै गावसोरनि लाइजामयाव तालिबानआ लिहरदों, इजाकजलनि मिसनआ आथिखालाव जोबना थांबाय आरो बियो दा आफगानिस्तानखौ दैदेननाय नंला। हकआ फोरमायनाय बायदिल्ला, इउएनआ जायगा मोन्नो थाखाय तालिबाननि हागौ।

लाइजामखौ सा 9 सोद्रोमायारि क्रीडेन्सीयेल कमिटिनो दैथाय हरनाय जाबाय। बे कमिटियाव आमेरिका, चीन आरो रुसआवबो सोद्रोमा महरै दड। बेनि अनगायैबो बे कमिटियाव बहमास, भुटान, चिली, नामोबिया, सिएरालियन आरो सुइडेनआबो दंफायो। अदेबानि फेगौ समबारनि सिगां बे कमिटिनि जथुमा जानो हागौ। जुदि इउएनआ तालिबाननि थान्दैनो गनायथि होयोब्ला इस्लामिक उत्खारि हान्जानो हरिमायारि गनायथि होनायव बेयो जोबोदि गिदिर थंथि जागोन। हरिमायारि गनायथि मोनोब्ला आफगानिस्तानआव रंखाथि मदतनि दरजाया खुलिनो हागौ।

अबिसि थाखोनि सुबुंफोरा हा-हुनि धोनिसिन : रिपर्ट

गोदान दिल्ली, 22 सेप्टेम्बर : एनएसएसएनि रिपर्टनि बादिब्ला, आबाद मावग्रा हानि केसआव अबिसिया गुबुन रिजाभेंसन हान्जाफोरजों रुजुनायाव धोनिसिन। एनएसएसएनि गेजेरजों 2018 नि जुलाइनिफ्राय 2019 नि जुनिसिमनि गेजेरव हादतनाडै खालामनाय मोनसे सार्भेनि बादिब्ला, हादतआव 9.3 कौटि नख'रफोरा आबादनि सायाव सोनारनाय। फारसैथि भारतनि गामियाफोरनि 7.9 कौटि नख'रफोरा आबादनि अनगा गुबुन हाबाफारिखौ मावो। आबाद मावग्रा नख'रफोरनि गासै नख'रफोरनि बाहागोआ 54 जौखोन्दो। एनएसएसएया बावैसो सिगांआव रिपर्टआव आबादारि नख'रफोरनि


थासाखौ फोसावदों। रिपर्टनि बादिब्ला, गासै आबादारि नख'रफोराव बयनिखुइबो बांसिन 45.8 जौखोन्दो बाहागोआ अबिसिनि। थामहिनबा गासै आबादारि नख'रफोरनि 4.2 कौटिआ अबिसि हान्जानि नख'र। फारसैथि अनुसुचित हारिनि (एसएटि) बाहागोआ 15.9 जौखोन्दो एबा 1.4 कौटि नख'रफोरा आबाद मावो। एसटिनि बाहागोआ 14.2

जौखोन्दो आरो बे हान्जानि 1.3 कौटि नख'रफोरा आबाद मावनायजों लोब्बा दड। बे मोनथाम हान्जानि अनगायै गुबुन हान्जानि बाहागोआ आबाद मावनायाव 14.1 जौखोन्दो आरो बिसोरनि नख'रफोरनि अन्जिमाया 2.2 कौटि। बेयो आबादनि बिथिखव अबिसि हान्जानि गोगलै सोनायखौ दिन्थिदों। बेफोर अन्जिमाया खालि बै नख'रफोरनिनल' जायफोरा आबाद मावनायजों

लोब्बा दड एबा जायफोर निजा आबाद मावग्रा हा दड। बे सार्भेयाव हाखौ बेनि दाथाय बादिथै माखासे थाखोआव रान्नाय जादों आरो बेनि समाजयारि हान्जाफोरनि बाहागोखौ नोजोर होनाय जादों। बेयावबो बेखौ मोन्दोंदि, संरैखाथि हान्जाफोराव अबिसिनि बाहागोआ मोजां थाखोयाव दड, गुबुन हान्जाफोरजोंसो समान समानै दड।

त्रिपुरायावबो आफ्रिकान स्वाइन फ्लुनि दोहौ सोमजिदों

गोदान दिल्ली, 22 सेप्टेम्बर: मिजरामनि उनाव आथिखालाव त्रिपुरानि सा जिल्लानि कन्चनपुरआव आफ्रिकान स्वाइन फ्लु भाइरासनि दोहौ नुनो मोनगासिनो दड। अदेबानि मिजरामआव आफ्रिकानि स्वाइन फ्लुजों रोजा-रोजा अमाफोरा थैखोबाय आरो आथिखालावबो बेनि गोहोमआ कन्चनपुरआव सोलिगासिनो दड। त्रिपुरानि कन्चनपुरआवबो 87 अमाफोरखौ नायबजिरनायाव माथाम अमानि देहायाव बे फ्लुनि पजिटिभ मोन्दों। जुनात सामलायग्रा जौगाकां बिकाननि बिथोनगिरि शशि कुमारआ बुधवारखालि खौरंगिरिफोरनि सिगाडव बुडोदि, इन्फेक्सन जानाय मिरुनि 1 कि:मि: नि बेंखनआव थानाय गासै अमाफोरखौ बुधरनाय जागोन आरो 10 कि:मि:नि ओन्सोलफोरनि सायाव नोजोर लासिनाय जागोन। बेनि थाखाय खौरां फोसावनायै बुधरनायनि हाबाफारिखौ जागायबाय। बेनि गेजेरजों बिबानगिरिफोर थानाय



समबाखालि कन्चनपुरआव थानाय गुबुन हादरयारि अमा फिसिग्रा फार्मखौ इन्फेक्सननि मिरु फोसावदोंमोन। बेनि सोमोन्दै बिकाननि सासै बिबानगिरिआ बुडो, बेरामखौ होबथानो आरो इन्फेक्सनखौ होबथानो थाखाय कन्चनपुरआव थानाय गुबुन हादरयारि अमा फिसिग्रा फार्मखौ इन्फेक्सन आरो बेराम होबथानाय नेमखाथिनि गेजेरजों बेरामनि मिरु महरै फोसावो। जर'खागिरिफोरनि बादिब्ला, आफ्रिकानि स्वाइनआ लोमजानाय सुबुंफोरनाव इन्फेक्सन जाया आरो आथिखालाव बेयो अमाफोरनि

थाखाय खैफोद गोनां आरो बिसोरनाव बांसिन इन्फेक्सन जायो। बेनि गेजेरजों बिकानआ गावयारि बिगोमाफोरनि थाखाय बिसोरनि मुलाम्फानि रादाया खम जानायाव 2,200-15,000 रंसिम अन्सुथाय होनोबो फोसावदोंमोन। थानाय दानआव बे बांसिन इन्फेक्सन खालामग्रा भाइरेल इन्फेक्सनआ मिजरामआव अमाफोरनि सायाव गालोबदोंमोन। थानाय मार्च दाननि जोबथानिफ्राय बे 5 दाननि गेजेरव 25,000 निखुइ बांसिन अमाफोरखौ बेयो गावनि मैहुर खालामदोंमोन। बेजों 121 कौटिनिखुइ बांसिन खहा जादों।

कानाडयाव सा 17 भारतीयफोरा बिसायख 'थियाव देरहासादनो हादों

गोदान दिल्ली, 22 सेप्टेम्बर : कानाडयाव जानाय सरसन्हा बिसायख 'थियाव भारत हादतनि सा 17 दैदेनगिरिफोरा देरहानो हायो। बिसोरनि गेजेरव निउ डेमक्रेटिक पार्टिनि दैदेनगिरि जगमीत सिं आरो आथिखालनि रैखाथि मन्थि हरजीत सिं सजनयाबो दंफायो। टुडआ फिन बिसायख 'थियाव देरहाबावबाय। बियो 156 मासिफोरव देरहासादनो हादों, नाथाय खुंथायाव थानो थाखाय 170 मासिफोरनि गोनांथि दड। जगमीत सिंआ जास्टिन टुडनि देरहानायाव हामब्लायथि बावहरसानै बडोदि, सरसन्हा सुबुंफोरनि थाखाय जुजिबाय थागोन। जगमीतआ 40 जौखोन्दो भटजों



बिसायख 'थियाव देरहानो हादों। भट सान्नायनि उनाव बियो गावनि पार्टिनि हाबाफारियाव बुडोदि, आं बयबो कानाडानि सुबुंफोरनिसिम बुंनो सानोदि न्थांमोनहा निउ डेमक्रेटसनि सायाव फोथायनो हागोनदि,

बिसोर नोंसोरनि थाखायनो जुजिबाय थागोन, करना इन्फेक्सननि समाव सुबुंफोरा जुजिनांदोंमोन आरो गावनि इयुनखौ लानानै जिगा सिदोंमोन बे समाव जेरैबादिथै जों जुजिदोंमोन बेबादिनो

नाजालांबाय थागोन। मख'जाथावदि, 2017 आव निउ डेमक्रेटिक पार्टिनि दैदेनगिरि सायख'जानानै जगमीत सिंआ जास्टिन सोरजिदोंमोन। बिनि सिगां रावबो भारतीयआ कानाडानि मिरुआरि पाटि

डेमक्रेटिकनि दैदेनगिरि जानो हायाखैमोन। मख'जाथावदि जास्टिन टुडनि सरकारव भारत हादतनि सा 5 मन्थि दंमोन आरो बिसोर सा 3 बो फिन देरहासादनो हादों। हरजीत सिंनि अनगायै अनीता आनन्द आरो वार्डिश छग्यरआबो लिबरेल पार्टिनिफ्राय फिन एमपि जफिनबाय। बिसोरनि अनगायै गुबुन देरहासाद भारतीय बिजाथिफेग जादों लिबरेल पार्टिनि कमल खेडु, रवी सहता, सनिया सिद्धु, मनिन्दर सिद्धु, सुख थालीवाल, जर्ज चहल, आरिफ वीरानी, रणदीप सराय, अन्जु दिल्लो, चन्द्र आर्च आरो गिबि खेब बिसायख 'थि बादायनाय इकबिन्दर गहरी। फारसैथि कन्जैबिथि पार्टिनिप्रय टिम उप्पल आरो जसगस सिं मोनहाबो दं।

भारतआव दिनैसिमबो मुसलमानफोरा बयनिखुइ बांसिन गथ 'फोर जोनोम होयो



वासिंटन, 22 सेप्टेम्बर : हादतनि गुबुन धोरामफोरनि रुजुनायाव मुसलमानफोरनि जोनोम होनायनि बिबाडा दिनैसिमबो बयनिखुइबो बांसिन। थानाय 1992 निफ्राय लानानै 2015 नि गेजेराव साफ्रोम आइजोफोरनि जोनोम होनायनि बिबाडा 4.4 गथ 'फोरनिफ्राय खमायानानै 2.6 याव सौफै बाय। बे बिथिखव नैथि जायगायाव हिन्दुफोरनि आरो जैनफोरनि जोनोम होनायनि बिबाडा

बयनिखुइ खमसिन। आमेरिकानि मोनसे थिक टेक आ थानाय मंगलबारखालि फोसावनाय मोनसे रिपर्टयाव बे खौरांखौ होयो। बेयाव बुंनाय बायदिल्ला, आथिखालाव मोनफ्रोम धोरोमायारिफोरनि गेजेराव जोनोम होनायनि बिबाडाव दावखलायनाय फैबाय। भारतनि धोरोमनि सायाव बिथा खालामनानै नायबजिरनायनि गोदान रिपर्टआव बुंनाय बायदिल्ला, आथिखालाव

मोनफ्रोम धोरोमनि जोनोमहोनायनि गोहोयाव दावखलायनायखौ नुनो मोन्नाय जादों, जेराव बांसिन अन्जिमानि हिन्दु, मुसलिम, ख्रिष्टान, सिख, बौद्ध दंफायो आरो जैनआ बाडाइ सुबुं अन्जिमानि हान्जायाव दंफायो। बेयाव बुंनाय बायदिल्ला, 2.1 जोनोम होनाय बिबांजों लोगोसो हिन्दुआ नैथि जायगायाव आरो 1.2 जोनोम होनाय बिबांजों लोगोसो जैन धोरोमा

गोदान दिल्ली, 22 सेप्टेम्बर : तालिबाननि थाखाय मदत बुधुमनो नाजानायनि थानाय पाकिस्ताना गोमोनांदों। सार्क हादतफोरनि गुबुन हादतयारि मन्थिफोरनि शनिबार खालि जानो गोनां जथुमायाव मोनसे मासि होनायनि गनायथिखौ नेवसिगारो। अदेबानि सार्कखौ दैदेनबाय थानाय नेपालआबो पाकिस्ताननि बे दाबि दैखानायखौ सिफायो। बेनि सोमोन्दै नेपालआ बुडो, इउएनआव आफगानिस्ताननि आवेन बेरेखा सकारखौ दैदेनग्रा

इउएनआव तुर्कीया फिन काश्मीरनि बाथा बुंदों

इउएन, 22 सेप्टेम्बर : काश्मीरनि आयदानि सायाव बिबुंधि होनायै भारतजों गोखों फिनजाथाय होजानायनि उनावबो तुर्कीया गावनि आखुखौ नागाराखै फिन खनसेबाव तुर्कीया इउएनआव गावनि बिबुंधि होनायाव भारतनि काश्मीरखौ रायखंदों। तुर्कीनि हादतगिरि रजब तैयाव एर्दानआ इउएन महासभानि



गोजौ थाखोनि जथुमायाव मुलुगनां दैदेनगिरिफोरनि मुडै

गोदान दिल्ली, 22 सेप्टेम्बर : काश्मीरनि आयदानि सायाव बिबुंधि होनायै भारतजों गोखों फिनजाथाय होजानायनि उनावबो तुर्कीया गावनि आखुखौ नागाराखै फिन खनसेबाव तुर्कीया इउएनआव गावनि बिबुंधि होनायाव भारतनि काश्मीरखौ रायखंदों। तुर्कीनि हादतगिरि रजब तैयाव एर्दानआ इउएन महासभानि

एर्दानआ बेयाव बुडोदि, जों 74 बोसोरनिफ्रायनो काश्मीरआव सोलिबोबाय थानाय जेनाखौ हान्जाफोरनि गेजेराव सावरायलायनायनि गेजेरजों आरो इउएननि बिथांखिफोरनि गुदि बिथानि गेजेरव सुखानो गोसो जानायखौ फोरमायो। थानाय बोसोरावबो पाकिस्तानजों खाथि सोमोन्दो गोनां तुर्कीनि हादतगिरि गोजौ थाखोनि सरसन्हा सावरायनायाव गावनि बिबुंधि होनायाव गले गले काश्मीरनि आयदाखौ दैखांबाय थदों। थानाय बोसोरावबो बियो पाकिस्तानआव दावबाय हैनायावबो आयदाखौनो दैखांदोंमोन। तुर्कीनि हादतगिरिया शिनजियांआव चीननि एसेल' सुबुं अन्जिमा मुस्लिम उडगर आरो म्यानमारनि रंहियाफोरखौबो रायखंदों। बियो बुडोदि, जों रंहिया मुसलमानफोरनि बिसोरनि जोनोम हादतआव रैखाथि थामोनथा सम्मानजों गिदिबोफिन्नायखौ रोखा खालामनायखौबो हेफाजाव होयो, जायफोर बालादेश आरो म्यानमारनि केम्पफोरव गोब्राव थासारियाव थानानै दड।

तालिबानखौ सार्कआव सोसनफानो पाकिस्ताननि दाबि दैखांनायखौ नेपालआबो नेवसिगारो

हालाम इसाकजइनो लिरनानै खोथा होनायनि गनायथिखौ होनाय जानाय नडा। मुलुग बुंनाय बायदिल्ला, सार्कनि सोद्रोमाफोरा पाकिस्ताननि आर'ज गाबनायनि सायाव सरसन्हा गनायथि होनो हानाय नडा आरो तालिबाननो गेरेन्थि होनो हाया दि, बिसोरबो इउएन गिदिर सुबुं गौमानि जथुमाआव बाहागो लानो हागोन। बेनि जाहोनाव दर 10 खोला एसिया हादतफोरनि गुबुन हादतयारि मन्थिफोरनि जथुमाखौ दोन्थनाय जायो। सार्कआव बालादेश,

भुटान, भारत, मालद्वीप, नेपाल, पाकिस्तान, श्रीलंका आरो आफगानिस्तानआ दंफायो। अदेबानि भारत गागि बिबानगिरिफोर फोरमायनाय बायदिल्ला, पाकिस्तानआ तालिबानखौ जथुमायाव सोफानायनि सायाव बोलो होयो। नाथाय माखासे गुबुन हादतफोर बे दाबिनि सायाव गनायथि होयाखै। भारतआ तालिबाननो आफगान सुबुंफोरनि दैदेनगिरि महरै गनायथि होयाखै। बिसोर गुबुन

हादतफोरनि गेजेरजोंबो गनायथि मोनाखै। बिसोरनि गोदान के बिटेनिनि गागि सोद्रोमाफोरखौ दासिमबो इउएननि गेजेरजों गोसोम फारिलाइयाव दोनो। बिसोर बांसिनानो आमेरिकानि एजेन्सिफोरनि गेजेरजों वान्टेड लिस्टआव दड। रुस आरो चीनआबो दासिमबो तालिबाननो गनायथि होयाखै। भारत सरकारनि सासै बिबानगिरिनि बायदिल्ला, तालिबाननि खुंथाइयाव जेबो मोन्थाय गैया।

फेन्सफोरा राजस्तान रयेल्सनि कार्तिक तियागीखौ गल्ड मेडेलिस्ट निरज चप्राजों रुजुदों

गोदान दिल्ली, 22 सेप्टेम्बर: राजस्तान रयेल्सनि जानानै मोजाडे गेलेनानै दिन्धिफुनायनि हानाय कार्तिक तियागीआ पान्जाब किसनि हेंथायै मोजाडे गेलेनानै दिन्धिफुनायनि उनाव खौराखव थाबाय थानो हादों। लो गोसे बिथानि महरखौ फेन्सफोरा गल्ड मेडेलिस्ट निरज चप्राजों रुजुदों। टकि य अलिम्पिकनि गल्ड मेडेलिस्ट जेभलिन खुबैग्रा निरज चप्रा आरु कार्तिक तियागीनि महराव गोरोबलायनाय दं। क्रिकेट फेन्सफोराबो बेनि सायाव दाबि दैखादों। फेन्सफोरा कार्तिक तियागीखौ निरज चप्राजों गोरोबनाय महर आरु समान जौथायनि थाखाय बिथांखौ निरजजों रुजुदों। टकि अ अलिम्पिकनि समाव निरज चप्रा नि बायदि खानाय लानायखौ कार्तिक तियागिनाय एखे महराव नुनाय जादों। फेन्सफोरा रंजानाय आरु मोजा मोन्यायनि गेजेरजों फटसफनि मददजों कार्तिक तियागिनि आखाइयाव जेभलिन हमनाय



सावगारिबो खालामदों। माखासे टुइटाव आधिखालाव बिथानि सावगारि आरु बाथाफोरा गोखै यै नो भाइरेल जादों। कार्तिक तियागीआ पान्जाब किंगसनि हेंथायै जौबनाय अभासआव 3 राननि रैखाथि होनो हादों मोन। पान्जाबनि

टीमआ देरहानायनि थाखाय जौबथा समाव 4 रान खालामनो गोनांखौ कार्तिक तियागीआ 1 रानल' खालामनो हादों मोन। बिथानि मददजों राजस्तान रयेल्सआ 2 राननि फारागथिआव देरहानो हायो आरु पइन्ट फारिलाइआव 5 थि

जायगायाव थायो। पान्जाब किंआ आधिखालाव 7 थि सारिआव जायगा आवग्रिनानै दड आरु टीमआ प्लेअफआव सौहैनायनि थाखाय आद्रा थानाय मेचफोरखौ देरहानांगोन। बेरफासै दिल्लीनि टीमआ बादायलायनाय मेचआव देरहानानै पइन्टनि फारिलाइआव गिबिसनि सारिआव थानायनि खाबु दड। मेचनि प्लेइ-11 आव मोननैबो टीमआव माखासे सोलायनाय नुनो मोननो हागौ। रिषभपन्तनि केप्टेन सामलायनाय दिल्ली केपिटेल्सनि टीमआव बांद्राय

आइपिएलनि 14 सिजनआव दिल्ली केपिटेल्स आरु सानराइजार्स हाइद्राबादन प्लेइ-11 आव बांद्राय सोलाय-सोल' नुनाय नडा

गोदान दिल्ली, 22 सेप्टेम्बर: आइपिएलनि 14 थि सिजननि 33 थि मेचनि बादायनाय दिल्ली केपिटेल्स आरु सानराइजार्स हाइद्राबादन गेजेरव जागोन। आधिखालाव पइन्टनि फारिलाइयाव दिल्ली केपिटेल्सआ नैथि आरु सानराइजार्स हाइद्राबादआ टीमनि पइन्ट फारिलाइयाव बयनिखुइबो गाहायसिनआव दड। बेबादि थासारिआव मोननै हान्जानि गेजेरव बादायलायनाय मेचआ गोसो बो नो हाथाव जानो हागौ। मानोना प्लेअफआव सौहैनांगौनि थाखाय हाइद्राबादआ गावनि आद्रा थानाय मेचफोरखौ देरहानांगोन। बेरफासै दिल्लीनि टीमआ बादायलायनाय मेचआव देरहानानै पइन्टनि फारिलाइआव गिबिसनि सारिआव थानायनि खाबु दड। मेचनि प्लेइ-11 आव मोननैबो टीमआव माखासे सोलायनाय नुनो मोननो हागौ। रिषभपन्तनि केप्टेन सामलायनाय दिल्ली केपिटेल्सनि टीमआव बांद्राय



सोलाय-सोल' खालामनायखौ नुनाय नडा। मानोना गासै गेलेगिरिफोरा फर्मआव दड। अब्लाबो मोनसे जायगानि थाखाय सानै गेलेगिरिफोरनि गेजेरव बादायलायनाय जागोन जायनि थाखोआव अलरउन्डर अक्षर पाटेल आरु अमित मिश्रानि मुडा दड। बिसोर सानैनि गेजेरव सासे गेलेगिरिआ गेलेनो खाबु मोनगोन। गुबुन हादरनि गेलेगिरिफोरनि बाथा बुडोब्ला दिल्ली मार्कासल स्टाइनि, सिमरन हेटमायार, एनरिक नाखिया आरु कागिसा रबादाजों लो गोसे फोथारआव ओंखारगोन। टीमनि जानानै

पृथ्वी सा, शिखर धावन, क्षेयस अयअर, रिषभ पन्त(केप्टेन आरु उइकेट किपार), मार्कास स्टाइनि, सिमरन हेटमायार, अक्षर पाटेल/अमित मिश्रा, आरु आश्विन, एनरिक नाखिया, कागिसा रबादा आरु आबेश खानआ बाहागोयारि जागोन। गुबुन फासै सानराइजार्स हाइद्राबादन जानानै केन उइलियामसन (केप्टेन), मनिष पान्डे, बिजय शंकर, आबुल सामाद, जेसन हल्डार/महम्मद नबि, रसिद खान, धुबनेस्वर कुमार, सन्दिप शर्मा आरु टी नटरजानि मुज दड।

खेव 7 मेचआव खेवसेल' देरहानो हादों। बेबादि थासारिआव बिथाडा गोबां बिबान सामलायनांगौ जागोन। सानराइजार्स हाइद्राबादन जानो हाथावना प्लेइ-11 नि थाखोआव डेभिड वार्नर, रिद्धिमान साहा (उइकेट किपार), केन उइलियामसन (केप्टेन), मनिष पान्डे, बिजय शंकर, आबुल सामाद, जेसन हल्डार/महम्मद नबि, रसिद खान, धुबनेस्वर कुमार, सन्दिप शर्मा आरु टी नटरजानि मुज दड।

इन्टार मिलानआ इटालियान लीगआव देरहानायखौ लाखिलांबाय थानो हादों

रम, 22 सेप्टेम्बर: आधिखालनि सेम्पियन इन्टार मिलानआ फियरेनटिनाखौ 3-1 गलनि फारागआव फेजेनानै इटालियान फुटबल लीग सेरि-ए आव देरहानायखौ लाखिलांबाय थानो हानायजों सेथिआव जायगा आवग्रिनो हादों। सानथाम सिगां बलगनाखौ 6-1 गलनि फारागथियाव फेजेनानयनि उनाव मिलानआ जागायनायाव उन जादों मोनब्लाबो उनाव फिन गोहोआव फे फिन्दों। इन्टारमिलाननि जानानै मेटिया डारमियान, एडिन जेका आरु इभान येरिसिचआ गल सोनो



हायो। फियरेनटिनाया रेकर्ड सटिलनि 23 मिनटआव गल सोनायजों हाफ समसिमआव मेचआव आवगायनो हादों मोन। थानाय बादायलायनायाव देरहानाया इन्टारमिलाननि खेबबा मेच बादायलायनायाव खेबबा देरहासारनाय। मेचआव

देरहानायजों इन्टार मिलानआ 13 पइन्टजों नेपिलनि 1 पइन्ट बांसिनजों सिगांसिन जाबाय। सेरि-एनि गुबुन मेचआव आटलान्त्या सासुआलखौ 2-1 गलनि फारागथिजों फेजेनो हादों। बलागना आरु जेनायाआ 2-2 गलजों डू मेच गेलेदों।

लन्डन, 22 सेप्टेम्बर: ईलिस लीग काप फुटबल टूर्नामेन्टनि बिम्बु देरहानायव लाखियै खेव 5 नांथावबोनाय मन्चेस्टर सिटिआ थानाय 4 बोसोराव गिबि खेव जागायजेनाय मेचआव गल सोजानायजों फिन गोहोआव फेफिन्नायजों बेकाम्ब वान्डार्सखौ 6-1 गलनि फारागथियाव गोलेयैनो फेजेनो हायो। थामथि थाखोनि टूर्नामेन्ट गेलेगिरि वान्डार्सआ 22 मिनटआव गल सोनानै बयखौबो गोमोहोदोंब्लाबो मन्चेस्टर सिटिआ थाबैनो फिन गोहोआव फे फिन्नायजों गावसोरनि गोहोखौ



दिन्धिफिन्नो हायो आरु खेबनैबो समाव 3-3 गल सोयो। मन्चेस्टर सिटिआ लीग कापनि गिबि बादायनायाव थानाय 2016 अक्टबर दानआव

जेनायखौ मोन्दोंमोन आरु जानुवारि 2018 नि सेमिफाइनलनि गिबि रउन्डनि उननिफ्राय मोनबो मेचआवनो जेनाखै। लिभारपुलआ गुबुन

मोनसे मेचआव प्रिमियार लीगनि टीम नाबिखौ 3-0 गलनि फारागथियाव फेजेनो। लिभारपुल आरु मन्चेस्टर सिटिआ लीग कापआव 8 थि

खेव बिम्बु देरहानायनि रेकर्ड लाखियाय। मन्चेस्टर सिटिआ 6 खेव बिम्बुखौ थानाय खेव 8 सिजनआव मोनो हादों। प्रिमियार लीगनि गुबुन मोनसे टीम एबर्टनआ नैथि खोलोबनि लीगआव बाहागो लानाय कुइन्स पार्क रेन्जार्सनि हेंथायै फेनाल्टि सुट आउटआव 8-7 गलनि फारागथियाव जेनायजों मोगा-मोगि जानाडे। थिखानाय समसिमआव मोननैबो टीमनि गेजेरव 2-2 गलजों डू जानानै दडमोन। लिडसआ फुल्हमनि हेंथायै गल सोलायनो हायै आव सुटआउटजों 6-5 गलनि फारागथिआव देरहानो हादो।

अस्ट्रेलियानि हेंथायै गेलेनानै क्रिकेट केरियारआव 20,000 रान आबुं खालामबाय मिताली राजआ

गोदान दिल्ली, 22 सेप्टेम्बर: भारतयारि आइजो क्रिकेट हान्जा आरु अस्ट्रेलिया आइजो क्रिकेट हान्जानि गेजेरव मोजाथाम मेच सिरिजनि गिबि वन्डे हारिमायारि मेचआ मैकेनि हाराप पार्क ग्राउन्डआव सोलिगासिनो दड। मेचनि बादायलायनायाव भारतयारि हान्जानि केप्टेन मिताली राजआ 61 रान लानो हायो आरु गावनि क्रिकेट केरियारआव 20,000 राननि बांसिन स्कर लाखिनायाव जाफुंसार जायो। थानाय साननि रानजों मितालीआ वन्डे हारिमायारि बादायलायनायाव लाखियै खेव 5 हाफ सेन्सुरि लाखिनो हाबाय। बिथाड थानाय



स्मृति मन्थनाया 38 रानसिमआव गावसोरनि उइकेट खोमानानै लायो। बेनि उनाव मिताली राजआ यास्तिका भाटियाजों लो गोसे मेचखौ सामलायनो हायो। भारतनि जानानै मितालिआ

107 बलाव 3 खेव 4 रान बुनो हानायजों 61 रान लानाय जाफुंसार जायो आरु बिथानि मददजों हान्जाया 225 रान आर्जिनो हायो। बिथाडा दासिमआव माहारियारि क्रिकेट

केरियारआव खेव 669 टेस्ट, 7367 वन्डे माहारियारि रान आरु 2364 टी 20 हारिमायारि रान खालामबाय। बिथाड दासिमआव गासै 10,400 हारिमायारि रान खालामबाय।

आइपिएलनि दिनैनि जानो गोनां मेचखौ दोन्थबाय: सानराइजार्सनि सासे गेलेगिरिनि देहायाव करनानि लोखोन

दुबाइ, 22 सेप्टेम्बर: आइपिएलनि नैथि खोलोबआव दिल्ली केपिटेल्स आरु सानराइजार्सनि गेजेरव जानांगौ मेचआ जागोन एबा जायैनि गेजेरव सन्देह जादों। सानराइजार्स हाइद्राबादन सासे गेलेगिरिनि देहायाव करना भाइरसनि लोखोन मोन्याव मेचआ जागोन ना जाया बेखौ लानानै बयनिबो गोसोआव सन्देह सिखादों। गिबि खोलोबनि जौबनाय समाव दिल्लीनि टीमआ खेव 8 मेचआव गासै 12 पइन्टजों पइन्ट फारिलाइनि सेथि सारिआव जायगा आवग्रिनानै दडमोन आरु हाइद्राबादन टीमआ खेव 7 मेचआव 2 पइन्ट लानानै फारिलाइनि जौबथा सारिआव थानांदोंमोन। नैथि खोलोबनि गिबि मेचआव चेन्नाइआ



मुम्बाइखौ फेजेनानै दिल्लीखौ गाहायाव दोनानै सेथि जायगा आवग्रिनो हाबाय। बे खेबनि मेचजों फिन दिल्लीआ सेथि जायगा आवग्रिफिन्नो हानायनि खाबु दड। सानराइजार्स हाइद्राबादआ डेभिड वार्नरनिफ्राय गोबां फोथायनाय लाखिदों। सानराइजार्स हाइद्राबादआ ससेल

मिडियाआव मेचनि माखासे सम सिगां वार्नरनि हुदा खालामनायाव सट बुनाय (बेटि खालामनाय)नि भिडिअ शेयार खालामदों। गिबि खोलोबनि जागायजेनायनि सिगांनो जौखोम जानाय क्षेयस आइयारआ इलेण्डनि हेंथायै बादायलायनायाव फाफ्लिआव जौखोम जादों मोन।

आधिखालाव बिथाड फिटआव फेफिन्नाय टीमआव जइन्ट जाफिन्नाय। बिथानि बाहागोयारि जानाय दिल्लीआ बेटिआव गोखोडे दिन्धिफुनाय लोबो गोन। पृथ्वी सा आरु शिखर धावननि जावजाजों दिल्लीनि टीमआव जाफुंसारनायनि गोखों बेट्समेनफोर दड।